

Ex Dono Authoris

ROBERTI WELSTED

D E

Ætate Vergente

L I B E R

Ad REVERENDUM admodum


HUGONEM

Episcopum Bristollienfem.



L O N D I N I :

Impensis GULIELMI & JOHANNIS INNYS,
in Cœmeterio D. Pauli. 1724.





I N D E X

C A P I T U M.



Cap.	Pag.
I.  <i>A T I O Operis</i>	I
II. <i>De varia etatis vergentis indole</i>	15
III. <i>De diversa natura ac consuetudine hominum etatis vergentis</i>	28
IV. <i>De Consilijs etati vergenti accommodandis</i>	36
V. <i>Consilia medica de sanitate tuenda etate provectorum</i>	47
VI. <i>De Affectibus etatis vergentis</i>	61
VII. <i>De</i>	

Index Capitulorum.

Cap.	Pag.
VII. De <i>Affectibus ex materie tenaci</i>	72
VIII. De morbo articulario	79
IX. De distributione morbi articularij secundum sedes notatu digniores	86
X. De distinctione morbi articularij in sanguineum & calculosum	95
XI. De morbi articularij reditu præcauendo	102
XII. De ijs, quæ utiliter servantur ad senectutem extremam vergentibus	112





D E

Ætate Vergente,

Ad REVERENDUM admodum

HUGONEM

Episcopum Bristolliensem.



C A P. I.

Ratio Operis.



COGITANTI mihi, ac præcipuè sollicito de salute Tuâ (Eruditissime Præsul) hoc quidem primum videtur exoptandum, ut sanitas Tibi integra maneat; proximum verò, ut, siquid fortè dolet, illud

illud mitigetur; ac tandem, ut causæ mali latentes penitus submoveantur. Idque eâ sanè ratione, ut vitæ tuæ quasi meridies longior reddatur; neque ut, postquam serò inter provectos numeratus fueris, tempora fluant Tibi ipsi, Tuique amantibus, ingrata. Tale, igitur, quum sit hujusce scripti argumentum, idipsum typis expressum, sicut mea soles, accipias.

QUONIAM nihil, permagni apud æquos rerum æstimatores momenti, usquam videre contigit, quod non pariter simplicitate quâdam propriâ continetur; eandem utique in Medicinâ persequi votum est. Si quidem Natura, quam optima quæque ars imitatur, miram operibus suis conciliat dignitatem; dum ex paucis principiis in gremio suo asservatis, ornatum summè varium deducit, ac sustentat: Iisdemque rite adhibitis, siquid offendat, in ordinem pristinum redigit. Medicina autem à Naturâ tota pendet; adeò ut, siquando ipsam deferat, ab arte ingenuâ desciscat in præstigias, & inanem illius imaginem, quam quidem rude mortalium genus ex ignorantia solâ adorare solitum est.

Illius-

Illiusmodi verò simplex secundum naturam Medicina olim Hippocrati tradita erat ; attamen post ipsum, à rectâ hâc viâ in obliquas omnes diverterunt secula istâ sequentia, quæ novarum artium ac disciplinarum feracissima erant.

Hinc, Celsus ille Romanus disertis queritur verbis, quòd multiplex ista Medicina, quæ apud Græcos, aliquanto magis quàm in alijs nationibus, paucis antè seculis exculta est, vix aliquot ex suis Romanis ad senectutis principia perduxit. Idque ita habere verisimile esse scribit ; quoniam desidia & luxuria prius in Græciâ, deinde apud Romanos affligerunt. Multa autem ab illius Autoris temporibus seculâ janî effluxerunt : Attamen, vetus ea querela aures nostras etiamnum perstringit. Si quidem Medicinæ vitio vertitur, quòd plures præmaturè in mortem rapiantur, quos ad senectutem usque extremam victuros cuivis liceret non immerito sperare, qui talia æstimans ad solas Naturæ leges respexerit.

Ergo, non indignum meditari videatur, si quis in hæc leges inquirat ; quò clariùs innotescat, unde vivendi spatium contrahi solet ; atque etiam, quod in rebus gerendis impedimento est, unde infirmitas naturas valentes ac bonas celerius aliquando occupat ; & quì tandem non rarò evenit, ut, quanquam homines vivi persistent, adversâ tamen valetudine laborent ; ideòque, posterum sibi necessariis que suis inutiles, quasi defuncti habeantur.

Quamobrem, non abs re erit contemplari generatim vitam humanam, tanquam singulas ætates transeuntem, atque ab iisdem affectam ; priusquam speciatim in hanc ipsam inquiramus. Quòd si verò, initium sumamus à simplicioribus, ordinem naturæ pressius sequemur ; quæ vitam prius in vegetantibus adumbrat ; ac, dein, pleniorrem ejusdem imaginem in animalibus exprimit ; unde, denique in hominem assurgere videtur.

Commune autem plantarum atque animalium est, ut ad maturitatem sibi propriam

De Ætate Vergente. 5

priam perveniant; ac deinde, deficiente sensim vigore, in quoddam quasi senium declinent.

Illud itidem commune est, ut pro variâ earum indole, plus roboris ac vigoris fortiantur, quò feliciori stirpe natæ fuerint. Et quidem multum interest, quo cœlo solóve singulæ gaudeant: An eo, quod naturæ suæ congruum sit; an toti generi inimicum.

Nec sanè, hîc loci omittendus est à primis temporibus cultus, qui sæpenumero plurimum confert ad vires promovendas; adeò ut, ætate demum florente, potestatem suam amplissimè ostendere valeant.

Quinetiam, inter communia recensere licet, quòd, quæ ad maturitatem præpropere evehuntur, hæ citò marcescant: Et, quòd similiter, quæ tardè crescunt, eæ maximè diuturnæ evasuræ sint.

At, si id arte vel culturâ fiat, ut vires congenitæ ultra modum exerantur; quale

6 *De Ætate Vergente.*

illis accidit, quæ foetus uberrimè edant ;
eædem ocyus senescunt.

Eodem verò jure cum hominibus agitur ; utpote quibus, pariter atque cæteris animantibus leges latæ sunt ; secundum quas plus firmitatis ac roboris ad maturos accedit, quò præstantiori naturâ ab ortu dotati fuerint. Itaque ab ipsis natalibus, tanquam fonte suo, petenda est primaria valetudinis ratio, utrùm bona vel mala contingat ; atque etiam, seu longævitatem hæc eadem promittat, five vitæ brevitatem præmonstret.

Totum autem, quod natiuum est, ad vim quandam referre licet, quæ in corpore aptè conformato quodammodo continetur. Quod verò ad talem attinet ; qualis nimirum duret, adeoque in annosis vigeat, ut tardè ac leniter hosce in ætatem decrepitam labi sinat ; ipsa aliàs omnino desiderari videtur, aliàs propter subtilitatem evanescere, aut inopiâ debitæ sustentationis citò extinguui.

Quaprop-

Quapropter, ad felicem longævitatē itidem requiritur fibrarum textura, quæ temperamento æquabili constitutæ, vim insitam cumprimis facilè diffluentem continere valeant; usque dum per ætatem indurescentes, in firmam & stabilem compagem coarctentur: Quæ temporis tandem injurijs diutissimè resistat; æris variatione illæsa maneat; ac cœli solique, nonnunquam etiam peregrini, gravitatem impune perpetiatur.

Interea, non inficiandum, commodam vel incommodam hominum valetudinem à regionibus plurimùm pendere; non solum, ubi nascuntur, verùm etiam, ubi à teneris annis educi fuerunt. Ideoque plures videmus, quorum valetudo secunda gradatim confirmatur hæc vel illâ peregrinâ regione, qui, dum in patriâ commorarentur, imbecilliores fuerant. Plerosque sanè adolescentes regiones frigidæ magis juvant; & perpauci sunt, quos ardentia sub sole climata non enervant, aut celerius, quàm par est, maturant.

Deinde, quod ad culturam primæ ætatis pertinet, siqua sit quæ eidem prorsus non conveniat ; nil miri, siquando infirmitas ex eâdem pravè adhibitâ ortum trahat. Et hinc quidem operæ graviores, onerâque præmaturè suscepta, sicuti etiam victus voluptatésque adulatorum, teneris nocent. Quum enim malè fundetur vita, & ipsis initijs virium ingenitarum fiat jactura ; vix postea speranda est vel firma corporis habitudo, vel exundans spirituum copia : Ideoque nec illi, quorum pueritia enervata & fracta est, ad ævi longi limites pervenire solent.

Quocirca, ex priori vitæ tempore feliciter transacto, potissimum pendet longævitas ; eòusque saltem, quò magis vel minus sana futura sit : Unde multos videre est, qui, dum vigerent, neque coætaneis robustiores, nec omnino vivaciores sese ostenderunt ; attamen diu post illos superstites, ac sanitate itidem perfruentes : Quippe qui, stimulis sæpiùs quidem parcendo, subinde verò facultates ipsas roborando, atque ampliando, secum iter vitæ, quantumvis

tumvis ocyùs, facientes, tanquam cunctando, superârunt. Interim monendum, morbos in primâ ævi parte, modò nullas corporis partes labefactent, vix inter ea vitia numerari, quæ vivendi spatium abbreviare soleant : Ideóque plus noxæ hisce affectibus, qui labem post se relinquant, tribuitur. Itaque illud curæ junioribus esse debet, ne in vitia currant, quæ stamina corporis corrumpunt, fontesque ipsos turbant : At, si morbo correpti fuerint, id in votis primum habere æquum est, ut non solùm ipse in præsens dometur, verùm ut reliquæ fomitis morbifici ejiciantur, ac, dein, sana habitudo revertatur.

Præmissis autem hisce monitis, quæ ad priores ætates speciatim referuntur, & quorum non nisi in genere hîc loci meminisse oportuit ; proximum est, ut eorum vitam observemus, qui vires integras & bona stamina à naturâ sortiti, maturitatem consummatam jam assecuti sunt : Dein verò, ut rationem quæramus, quâ, dum ad supremum usque diem vivitur, senibus contingat sanis esse, quantum per imbecillitatem licet ; aut saltem, quod proximum sanitati

10 *De Ætate Vergente.*

sanitati est, valetudine adeò commodâ
uti, ut immunis sit cruciatuum malorúmq;
Iliadis, quæ senectutem sæpe comitantur.

Digna sanè investigatu prudentia, quæ
hanc humani generis partem salvam præ-
stare doceat; quæ quidem ad munia civi-
lia & socialia obeunda longâ satis expe-
rientiâ idonea reddita est, quæque ideo cæ-
teris partibus diffusè profutura est. Hoc
enim vitæ tempus, licèt corporis vigor
sensim pereat, animi tamen dotibus, con-
stantiâ, sapientiâ, rerúmque administranda-
rum consilijs nobilitatur. Itaque ætas, de
quâ sermo est, illustrioribus personis
abundat; atque in ejusdem albo nomina
principum utriusque sexûs inveniuntur. Ecce,
autem, inter illos Britanniarum Pater;
cujus quidem salutis, quicquid ex naturæ
thesauris melius depromi queat, dicandum
est: Quo Auspice, tot hominum myriades
bona Fortunæ, perquam inconstantis apud
exteras gentes, per æquissimas leges con-
firmata, cum placidâ ac securâ libertate
possident.

Dein

Dein; accedit eorum numerus, qui omnibus ferè ordinibus cum dignitate præfint; ac propterea mereantur, ut sanitati tuendæ aut recuperandæ medici præcipuam operam ac studium navent. Etenim grati animi est, conatibus nostris eosdem juvare, ut omne illud, quicquid ævi superest, leniter transigant: Quod, quantò diutius cum sanitate producet, tantò uberiores posteris beneficiorum copiam suppetabit.

Interea, non diffitendum, quòd vita longissima, quando cum artis medicæ, quæ ab experienciâ eruitur, prolixitate confertur, brevis haberi debeat; quod quidem monet * Hippocrates: Neque etiam, quòd oporteat omnes, memores esse ævi brevitat.

Illud enim ipsum est, quod maximè profuturum est ad producendam utilem quamque vitam; nimirum, si in memoriâ tenentes, quàm incitato gradu vita præte-

* Aφ. T. I, I.

12 *De Ætate Vergente.*

rit, eidem provident contra vitia, quæ senectutem ingratam accelerent ; qualis ista esse solet, quæ suos nullis commodis remunerat.

Itaque, monita, quæ antecessorum nostrorum ingenium aut excogitavit, aut saltem tradidit, inspicienda sunt ; quibus, quod salutare, quódque noxium huic ætati, indicant : Ac, similiter, quæ vitam justo breviorē reddant ; quæque dolores, æumnasque perpetuas creent ; vel (quod eodem ferè recidit) efficiant, ut vix unquam provecti ætate bene habeant.

Quoniam autem hæc monita non à prudentibus, medicisve solis, ex patriâ nostrâ oriundis mutuò accepimus ; verum etiam ex alienigenis, quorum plures multa ante secula floruerunt ; & in regionibus meridionalibus artem medicam excoluerunt ; opus est, ut cum ijs, quæ experientia nostratium subministravit, conferamus.

At verò hinc discere licebit, qualia ad septentrionales nostros præcipuè pertineant : Siquidem ij olim effata pronunciârunt, quæ
suis

fuis utilia fuerint deprehensa ; sed quæ sæpenumero nostris per omnia non conveniant. Neque id solum advertere usui erit, quòd nostratibus eadem ac plagarum calidiorum incolis non semper consentanea sint, sed & exquirere, unde hæc diversitas nascatur : Ac, demum, perpetuò memoriâ tenere, qualis illis consuetudo ab infantibus usque inolesceret ; &, quapropter eum vivendi morem amplecterentur ; antequam iudicium, de consilijs veterum longè à nobis distitorum, feramus.

Sufficiat verò, hoc loco Hippocratem laudare ; qui, ut unus inter omnes eminet, ita & ipse exemplar longævitatis fuit : Ut pote qui nonagesimum sextum ætatis annum attigisse fertur. Etenim, eorum, qui secuti sunt, scripta, quatenus ad propositum nostrum referuntur, non nisi Commentaria videntur, quæ brevitatem Cœsenis explicant aut illustrant. Siquidem & Methodici & Empirici, qui ex professo illi se opposuerunt, vix quicquam protulerunt, quod ex ipso, tanquam fonte primario, haurire non liceat.

Profectò,

14 *De Ætate Vergente.*

Profectò, ex veterum peregrinorum libris id commodi peculiaris obvenit, ut, quæ humani generis salutis tunc temporis inservirent; hæc ipsa itidem hodie auxilijs esse frequenter experiamur: Unde, etiam, de istis, quibus nigra ab Antiquorum celeberrimis inusta fuerit nota, judicare par est: Ideoque consilia, ut & monita ab iisdem tradita, non inter *opinionum commenta*, sed *naturæ judicia* recensemus: Illa enim (teste Cicerone) *delet dies*, ast hæc *confirmat*:





C A P. II.

De varia ætatis vergentis indole.

QUICQUID temporis ab ætate constanti labitur, hoc, ut sollicitudine urgeri solet, ita & prudentiâ circa regimen & diætam opus habet, ac generosa insuper remedia flagitat. Siquidem, ut virilis vigor sensim deficit, seniores spem omnem abjicere, & omne malum in pejus ruiturum præfagire. Tum verò, nonnunquam in mentem veniunt falsæ rerum imagines, quotquot sese juvenes, quotquot viros illuserunt. Dein, turbata omnia; mentisque vitio affligitur corpus; ita ut, quæ aliter prodesse, consilia nihili jam pendantur; ac langueant tandem ægri, vanâ decepti opinione,

16 *De Ætate Vergente.*

opinionem, magis quam cum adversâ valetudine colluctantes.

Itaque hæc ratione produntur copiæ, quæ in illorum subsidium conscriptæ fuerunt; atque ipsi in mortem citius declinant, vel ad vitam impofterum miseratione dignissimam damnantur. Hinc laudatio antea acti temporis; & hinc vituperatio ejus, quod adest, conjuncta cum futuri desperatione. Scilicet, animum despondent, dum sentiant, se non isto, quo juvenes, modo valere: Ac nuperum vigorem memoriâ tenentes, cum eodem præsentem defectum comparant; &, mente metu præoccupatâ, omnia senectutis miserrimæ incommoda, tanquam instantia vident. Quî quidem fit, ut aliorum, in eâdem vel proVectiori ætate constitutorum, infortunia, quasi sua essent, eos lædere soleant: Atque ex adverso, etiam maximum oritur solatium exinde, quòd aliquot ipsis seniores fruantes sanitate cernant.

Atqui, à pueritiâ didicerunt, se juxta cum alijs mortales esse; neque ignorant, ipsos nullatenus vitæ securos fuisse, ante
magis

magis quàm post maturitatem. Neque enim, quamvis robusta juniorum ætas viribus suis confidat, hâc ipsâ tutior est, aut minùs opportuna morbis, qui spiritus, quantâcunque abundat copiâ, sæpe prodigunt. Quinetiam, hi tunc temporis partim luxuriâ franguntur; partim laboribus consumuntur, aut voluptatibus depascuntur. Ergo, si post maturos annos sat facultatum naturalium adhuc supersit; spes sanè easdem prudenter administrandi in hâc ætate nequaquam vana videri potest.

Veruntamen, sæpe hominibus vergentis ætatis accidit, ut, licèt dignissimi vitâ ab alijs meritò habeantur, non tamen ipsis videatur natura in tantum prospexisse, quantum junioribus. Quapropter, subsidia negligere solent; quæ, modò ad amissim singula perpendantur, non minùs ipsos, quàm in aliâ quâvis ætate constitutos, juvare valeant. Igitur, observandum est, naturam ex hâc parte non defuisse; verùm, quòd, sicuti præcipuis & ferè perpetuis auxilijs opus habent infirmi provectiores, ita etiam illis non destituantur.

C

Aiunt

Aiunt autem provectiores, lethum senibus, ad quos ipsi appropinquant, minimè vitandum; cæteris quidem mortem accidere, at confectis ætate esse necessariam. Atqui, circa initia senectutis mira in hominibus apparet diversitas: Quum, ab eodem ætatis suæ anno, singuli inter senes haudquaquam numerari debeant. Adde quòd, neque de illis, qui quoad annorum supputationem juvenes moriuntur, planè semper constet; utrùm ex principiis creentur, quæ ultra hoc temporis spatium integra atque indissoluta durare possunt. Neque fanè absolum videtur, quòd necessitas moriendi plures cujusque ætatis urgeat; eaque à naturâ suâ proveniat. Siquidem in omni ætate quædam (si ita loqui liceat) senectæ conspicitur; nec in aliâ quâvis apertius, quàm in primâ infantiâ: Ubi sæpiùs causas vides, cur infantibus non detur diu spiritum trahere. Idem etiam observandum in reliquis stadiis, quæ vitæ præstitutas vices implent: Ideoque nil obstat, quò minùs eadem diversitate post maturitatem pergat hominum natura.

Verùm

Verum inquit ætate provecti; nosmet perpetuum monet natura, vi insita jam ad sensum deficiente; aliique circumstantes monent, formam non esse eandem, nec habitum corporis florentem, qui olim placuit: Homines nostræ ætatis præ junioribus ingrati sunt; imò nobismet ipsis ingrati sumus; quoniam ijs voluptatibus parcius frui licet, quibus eòusque juvenes indulsumus, ut solas vivendi causas statueremus. At, neque eadem voluptates huic ætati convenire solent; neque illos, qui naturæ auscultant, earum illecebræ tam potenter trahunt: Quippe quibus alia jam in delicijs esse consueverunt; quæ per momentum ac dignitatem non minus ipsis arident. Nimirum, nunc parcit stimulis natura; atque illi subditos jamjam decet ab ejusmodi studijs temperare, quibus quidem tempore præterlapso exsaturati fuerint.

Fatendum enim, corpus nostrum à tempore, sicuti reliqua naturæ opera, injurias pati: Fatendum & usum illius formæ non superesse, propter quam juvenes laudantur; verum, scientiam rerum utilium;

20 *De Ætate Vergente.*

longâ experienciâ confirmatam, cum decenti corporis habitu, omnibûsque ad dignitatem servandam requisitis, esse hujus ætatis gloriam.

Nec diffitendum, quin asperi plurimorum mores, & officiorum negligentia sæpe grandævos ingratos reddant. Atqui, idipsum est, quod querimur; nempe, seniores citiùs, quàm par est, secedere à vitæ munijs, quibus optimè fungi possunt; ac dein, otio prorsus se dedentes præmaturè, ab alijs, qui nihil ultrà ab ijsdem expectant, neglectui demum haberi. Siquidem, ut ait Celsus, *ignavia corpus hebetat, labor firmat; illa maturam senectutem, hic longam adolescentiam reddit.*

Igitur, dummodo vires ferant, ac morbo immedicabili non laborent, provectis ætate expedit, vitæ rationes consuetas non deferere, aut saltem non longè ab ijsdem recedere; etiamsi plures coævus ad progrediendum inhabiles videant. Iniquam enim laturus est de hominibus hujus ætatis sententiam, quisquis eos ex numero annorum aestimat: At verò, hujusmodi hallu-

hallucinatio tanto majoris est momenti, quanto utilior est vita; & quò plurium interfit, ut salvus annis jam satur maneat. Et hoc quidem vitæ tempus, inter anni tempestates videtur vindemiationem referre; quum fructus maturi in hyemem condantur; & quum ijs opus sit, qui ordine & rectâ mente omnem proventum complexi, eundem eo modo disponant, quem commodissimum fore experientiâ comprobârunt.

Nec, quòd pauciores, integrâ sanitate jam fruantes, ex coætaneis superstites sint, ideo desperandum; verùm, quoniam constat, quodnam amicis fuerit exitiale, id ipsum præcavendum erit: Quali quidem consilio in arduis expediendis sæpe usi fuerunt; quum aliorum offensionibus præmoniti, sibi prospexerint, ne iisdem opprimerentur.

Verum quidem est, nonnullos, dum vitent pericula ab unâ parte sita, in prorsus contraria incurrere; adeò ut, si quis in ferrosos vel pituitosos morbos incidat, qui nimio spirituosorum usui indulsit, alter à

22 *De Ætate Vergente.*

vinosis in totum se abstineat, ac dein, vitij sanguinis depauperati laboret. Pari jure queruntur seniores alvi constipatae mala; at, si ad purgantia sese conferant, eadem viscera debilitare sentiunt: Unde quidem à præsenti incommodo liberantur; verùm interim in deterius ruituri sunt. Hæc autem, & similia persuadent, non ingratum opus fore, si quis totum hoc negotium examini subjiceret; atque utrinque incommoda perpendendo, qui tutissimè ac facillimè quodcunque est hoc ævi transigatur, indicaret.

Nec desunt sanè plura hominum exempla, qui tardè consenuerint, & quibus extrema ætas leniter defluxerit; quique serius aut citius, prout natura ipsorum tulerit, placidè expirârint. Illud etiam videtur medicorum arti gloriam imprimis conciliâsse; quòd decumbentes morbis, quos astantes deploratos crediderant, quasi reviviscerent, iterùmque apud notos officijs bonorum fungerentur. Quod ipsum, per fabulæ veluti nebulam, indicârunt nobis vetustissimi Græcorum scriptores; dum referunt, Inferorum Deum apud Jovem conquestum

questum fuisse, quòd Æsculapius suum imperium exinaniret; ideóque, quòd paulò ante Trojana tempora fulmine percussus fuerit: Non quòd, uti opinor, mortales ab Orco revocare princeps ille medicorum moliretur; verùm, quòd plures, qui à vitæ officijs valetudinis incommodæ causâ sejuncti essent, & tanquam defuncti vicinis haberentur, rursus convalescentes ad munia sibi decora obeunda fuscitaret: Unde amici, tanti beneficij gratiâ, posteris hominem, velut numen, colendum tradiderunt.

Verum enim verò, nequis dicat, longævitatē sanam non esse hujus seculi, sed peculiarem seu Auræ (quæ dicitur) ætati, five temporibus heroïcis, unicum liceat proferre exemplum senis, quem nonaginta annos nuper explevisse audivi. Etenim notus mihi fuit jam septuagenarius, qui tunc temporis negotijs distinebatur, seque non à consortio juniorum subtrahebat, ubicunque se indigna non esset passurus. Temperies ei æquabilis, non tamen decentis vehementiæ planè expers, quandocunque causa satis gravis oborta est. Quinetiam,

24 *De Ætate Vergente.*

adeò occulta fuit ætas, ut ex aspectu aut gestu senectutem cernere omnino non esset. Quum demum divitijs, prolixâ curarum serie, non sine artis beneficio, à seipso acquisitis afflueret; hæ subito unius noctis casu dissipantur. Tum, verò, omnes expectare, quo animo rei familiaris totam ferè jacturam ferret; & numerare annos; unde, uti nil boni imposterum venturum arbitrabantur, ita & spem de novo inchoandi incisam esse, ijsdem videbatur. Ille autem, quum primùm calamitatem rescivisset, attonitus, & tanquam mente captus, discursans huc illuc amicis occurrebat. Sed tamen animum fluctibus commotum repressit insitus atque integer adhuc vigor; ac, veluti senior nauta procellis assuetus, nisi dum urgeat vis aut lucta ventorum, non diutiùs earum meminit; eodem planè modo, post amissas opes, non ampliùs perturbatus, alios sibi jungit, quorum auxilijs, ipse, perinde atque illi, novas adipisci queant divitias: Scientiâ enim se pollere, quam quidem larga experientia confirmârat; quomodo ijsdem, se socios addentes, suas facultates augeant, dum ipse, quas perdidit, recipiat.

piat. Dein, quicquid in votis fuit, paucos post annos successit; iterumque felix evasit, morborum itidem immunis perstitit.

Dum verò sæpissime gratâ Nestoris nostri consuetudine usus fuerim, conjunctis aliquot inter cives suos optimis, plura ab eodem, quæ juveni nondum comperta essent, quærebam: Atque, inter alia, memini me eo referente didicisse; omnem ætatem suas habere dotes, sua præmia.

Etenim rogo; Quamobrem, ita ut sæpe fit, vestræ ætatis homines adeò sunt difficiles? Quare vobis omnia juniorum facta displicent? Itane habet, quoniam vosmet ipsi non agitis? Ipse autem per interrogationem respondit; Tunc, ait, meministi, quænam esset opinio factorum à te puero, postquam inter viros relatus fuisses? Indignatus sanè vir puerilia contempsisti.

Nónne igitur idem sentire nosmet velis de vestris nugis, qui vestros annos plusquam duplicavimus? Aut, in tantum erratis tuis faves, ut, si decem abhinc annos sanus vixeris, eadem tibi placitura speres?

Mox

26 *De Ætate Vergente.*

Mox etiam addit, se à pueritiâ usque comparare solitum fuisse varias, at novas, opiniones, quas tunc temporis amplectebatur, cum hisce, quas decem proximi anni intulerant ; ac, perpetuò sibi idipsum accidere, fateri, ut easdem in mentem revocatas penitus repudiaret, eo modo, quo vir puerilia abjiceret.

Porro, subjicit, pro more meo, quando nuper septuaginta annos complevissem, de certis opinionibus, quas cooptaveram quinquaginta, imò & sexaginta, annos natus, judicium dedi ; idque, crede mihi, non de levibus, sed de rebus maximi, ut mortalium stat sententia, momenti : Quas itidem junioribus habendas relinquo.

Novi equidem, quàm arctè grandævi hujus memoria custodiret insignes animi dotes ; ideóque auscultavi libenter, & curiosiùs, quæ vellem, percontatus fui. Etenim sodalem eo sene vix lætiores optares, nec minùs deformatum vitijs, quæ comitem injucundum reddunt.

Ipsè

Ipse verò, totam vitam, intra urbis, in quâ natus atque eductus fuerit, pomœria, veluti Socrates, degerat; neque ab eâdem longiùs recesserat, nisi negotijs ad metropolim forsan accersentibus; quando mensẽ circiter abesse solitus fuisset.

En exemplar hominis, qui vitæ spatium secundum naturam transijt; qui quidem principio amplissimas corporis animique dotes obtinuerat, ipsasque in ultimum tempus conservavit.

Igitur, ut summatim dicam, tam varia est ætatis vergentis indoles, ut neque in eâdem de sanitate, vitæque functionibus huic ætati congruis desperandum videatur, antequam ad ejus limites, qui prorsus incerti sunt, deventum fuerit; usque dum imbecillitas prohibet multos exoptare annos; aut morbus aliquis exitialis premit, ac spem, ægrotum eidem superstitem fore, in universum abscindit.



C A P. III.

*De diversa natura ac consuetudine
hominum ætatis vergentis.*

UONIAM hæc ætas ab antecedentibus differt, eò quòd consuetudo quædam regiminis ac diætæ jamjam inoleverit; quòdque maturo experientiæ judicio tunc temporis fruantur homines; ideo proximè dicendum videtur de diversitate eorundem naturæ, ac dein moris eidem superadditi, usûque ac consuetudine confirmati. Etenim singulis peculiaria quædam sunt, quorum origo nunc lateat, nunc etiam explorari queat; quæ tamen scitu opus est, antequam de tuendâ sanitate, morbisque aut præcavendis aut medendis consilium capiatur.

Proinde;

Proinde, dispicere usui foret; qualis natura, an robusta & vegeta, an debilis & enervata; an verò in obesum habitum, an à pingui in macrum divertat; aut utrùm corpus mediocriter habeat, nec in utramvis partem seu crassitiem sive gracilitatem inclinet.

Porro, de spiritibus etiam quærere non alienum esset, an agiles, citiùsque expendi soleant; an uno propè tenore persistant: An itidem quies facilè fatigationem tollat; sive otio diuturniore ad reficiendum opus sit.

De Pulsu itidem, an sit æquabilis; & omnibus numeris regularis; an subinde intercipi soleat, vel ullatenus inæqualis sit.

Dein, an respiratio plena sit, sine anhelitu, aut tussi.

An, tandem, appetitus vigeat, vel debilis sit; nec aliter, quàm priori vitæ tempore habere consueverat.

Conducit

Conducit autem præcipuè ad notitiam humani corporis, & ea præfagienda, quæ eidem in hâc ætate vel commoda vel incommoda eventura sunt ; ut cognitum sit, quibus ab infantiâ usque morbis opportunum fuerit ; quæque remedia idem juvant : Quomodo etiam illud habeat, quando medicamenta assumpta fuerint.

Atque, itidem, noscendum est ; an amara, falsa, acria vel acida subinde urgere soleant.

Quinetiam, omnino utile futurum est, de parentibus, totâque cujusvis prosapiâ ac genere rogare ; quibus illi morbis laborarent ; & quisnam tandem exitialis fuerit : Atque ita, de eorundem historiâ excerptare, quæ in usum natorum verti possunt.

Etenim, exinde intelligenda sunt plura, quæ aliunde difficilia erunt cognitu ; præsertim, siqui sint inter conjunctos sanguine, qui similes per omnia videntur ; &, si
ijsdem

ijsdem ipsi afficiantur corporis vitijs, quæ toti genti peculiariter obvenissent.

Proximum autem est, ut de consueto vivendi more agatur; quum maximi sit momenti, utrùm quis teneris annis molli-ter ac delicatè tractatus fuerit; an duriter, & asperè: Utrùm exercitationibus laboribúque assiduis assueverit; an ignaviâ & desidiâ priùs innutritus fuerit.

Deinde, multum interest inter literarum studijs deditum, otioque Musis dicato per ævum gaudentem; atque distentum gravibus negotijs, cujus mens acerrimâ anxietate quotidie agitur, curisque mordacibus distrahitur.

At verò, id nôsse non alienum foret, utrùm perpetuò, & sine vacantis temporis intercapedine labores curasve graves ferre solitus fuerit: Quòd si id acciderit, quali valetudine, quamdiu occupatus fuerit, utatur; ac quali, siquando vacaret. De quâ quidem re certioribus factis decernere licebit, sicuti quantum natura pati valeat, ita etiam quòusque consuetudo invaluerit.

Porro,

Porro, in victûs rationem inquirere oportet, priusquam norma vivendi posterum statuatur : Qualem cibum potumque ; quantâ copiâ ; & quoties intra diem assumere quivis solitus fuerit : Quis itidem fuit animi relaxandi modus ; quodnam voluptatum genus ; quis earundem usus, vel rarior, aut etiam frequentior : Unde, demum, se hilariorem, vel tristiorem ; unde se fessum magis, ac gravitatis sensu affectum postea agnoverit ; licet ipso tempore jucundior evaderet.

Proinde, idipsum in vitâ utile videtur, quod iter facientibus solenne est ; quandoque viam ingressuri sunt, quam nondum transierunt : Qui quidem commoda atque incommoda, quæ alij experti fuerunt, solliciti sciscitantur ; iisque enumeratis, adversus hæc se tueri, illa verò sibi acquirere, conantur ; prospiciuntque, ne, quæ reliquis profuerunt, sibi in viâ desint. Atque ita, utraque conferentes cum ijs, quæ in itineribus præteritis sibimet acciderint, tutiores evadunt, meliusque sibi consulunt. Ad eundem ferè modum, qui,

qui, quod vitæ reliquum est, feliciùs transigere cupiunt, eadem exquisitè à peritis percunctabuntur; quæcunque alijs, sui per omnia quàm simillimis, seu nocuerunt, sive profuerunt: Idque non sine recordatione eorum, quæ seipfos annis præteritis aut læderent aut juvarent. Ex illis verò omnibus, certa quædam desumunt, quæ tanquam monita sive consilia apud animum proponant.

Præterea, prout natura cujusque diversa ab alijs primùm fuit, ita etiam diversum induit sibi habitum; isque tandem in morem perductus est; atque in alteram (quæ dicitur) naturam abit: Unde, quod primò naturæ suæ consentaneum erat, aut saltem innocuum, jam tanquam malum refugit.

Immutatur itidem frequenter natura casu quodam; quale quiddam ex crapulâ nonnunquam evenit: Unde, quod antè gratissimum fuisset, idem ab hoc ipso pòst abhorret.

D

Ejusmodi

Ejusmodi etiam sunt post graves morbos immutationes ; unde non rarò totus displicet victus, qui antea arrisisset. Exinde verò fit, ut vix quisquam ætatis vergentis eodem vivendi genere utatur, quo juventâ adhuc florente gavissus fuerat.

Itaque hæc omnia perpendere, quasi in trutinâ, oportebit ; ac dein, quicquid salutare esse deprehenditur, quid verò fugiendum, ex rationum momentis decernere æquum erit : Ideoque, non uno talo stabit illius sententia, quisquis sese idoneum hujusce rei judicem comprobabit. Atqui, pro varijs cujusque & naturâ & habitu, diversis planè monitis, & prorsus diversis institutis opus erit.

Propterea, etiam hinc ortum habere debent consilia, quæ vitam ad hanc vel illam normam dirigant. Siquidem cujusque refert, ab eodem more, cui diu, nec sine fructu, assueverit, non longiùs recedere, quàm ut ipsa vitet, quæcunque in valetudinis aut vitæ discrimen alios, sui perquam similes, inferre soleant.

Interea,

Interea, non inficior, ex his, qui simul iter vitæ faciunt, nonnullos ætate provectiores mitiùs, nonnullos asperiùs, tractari: Quod quidem sæpenumero evenit, quoniam hi juxtà cum illis firmitatem pari gradu non participant: Ideoque, quæ in subsidium adhibentur, horum vires eòusque, quò firmiorum, promovere nequeunt. Veruntamen, id non impedit, quò minùs omnes, qui consilia non spernunt, exinde auxiliij nonnihil, quamdiu flamma vitalis ali queat, percipiant.





C A P. IV.

De Consilijs ætati vergenti accom-
modandis.

UONIAM anni, qui ætatis maturitati succedunt, in rationibus hujus instituti primas obtinent, errores quidem, intra tempus vitæ anteaçtum, hîc non nisi obiter notantur. Attamen, ut ea facultatum naturalium integritas adsit, propter quam homines sani dicuntur, maximè requiritur: Non ut, perinde atque ætate constanti, adhuc vigeant; sed, ut nullo inveterato decumbant morbo, ex quo omnis convalescentiæ spes evanuerit.

Proinde, consilia originem ducunt à deliberatione de sanitate; utpote quam,
vel

vel etiamnum integram tueri, vel amissam recuperare opus est. Sanitas autem, quam senioribus promittit medicina, vel morbi immunis est, vel hæc, quæ recurrente certis tempestatibus morbo intercipi solet: Illa quidem paucis, hæc verò pluribus forte datur. Interea, tutius est plerumque iter per periodos hæc morborum; etiamsi idipsum molestijs magis oblitum sit. Etenim natura id operis molitur, ut infensissimos sibi hostes domet; utque, quibus uno impetu superandis impar sit, hosce per partes singulatim vincat, & exterminet.

Consilia autem, quæ maximi momenti videntur, aut communia quædam sunt, quæ depromuntur ex legibus cuius naturæ accommodatis, quæ quidem in hac ætate versatur; vel specialia, quæ respiciunt peculiarem aliquem morbum, quo quis tunc temporis præsertim laborat.

Duplex verò hoc consiliorum genus oritur ex observationibus; quarum aliæ, à prudentibus, qui in medicorum censum

38 *De Ætate Vergente.*

non relati fuerunt, traditæ in medicinam
cooptantur; aliæ medicis ipsis debentur.

Interim, advertendum est, quòd istius-
modi consilia non tam angustos intra fines
coërceant, ut ab officijs, propinquis, ami-
cis, vel patriæ debitis, homines sejungant;
nec ea quidem vetent, quibus sapiens frui
optaret. Etenim, latum est iter, in quo
naturâ duce pergendum est; nunc ad hanc,
nunc ad illam declinans partem; & quod,
interdum per uberiores, lautiores, ac
magis varium victum, interdum per te-
nuiores, ac simpliciores tendit. Nec
duobus quidem hominibus, ex communi
mortalium grege desumptis, idem victûs aut
exercitationum modus perpetuò idoneus
videtur; neque etiam eidem varijs tem-
poribus prodest. Siquidem vix duos inve-
nias, qui eundem per omnia tenent cur-
sum: Neque idem sui similis diu manet;
ast omnes in horas mutantur; adeoque ex
ipsis, quæ hâc vice adjutoria fuerint, aliâ
rursus causa metuendi exoriri potest.

Primum autem est, quod prudentis, qui
in hoc vitæ stadio decurrere cœperit, menti
observatum

obversatum iri videtur ; ut in præteritâ inquirat, statuâtque exinde ; Talia nocitura imposterum, (nisi peculiaris aliqua ratio aliud suadeat) qualia, ad hæc usque ævi sui tempora, noxia sibi perpetuò expertus fuit. Idque non modò de ijs intelligendum, quibus inest peculiaris quædam à naturâ repugnantia ; verùm etiam de hisce, quæ, licèt non adeò manifestis signis adversentur, tamen semper læsisse noverit. Et hoc quidem non solùm ad alimenta, sed ad exercitationes itidem, studiâque, ut & aëris temperiem, ac soli naturam extendere non à ratione alienum videtur. In hâc, enim, ætate non amplius spatium datur tentandi, quâ ratione quis gratiam ineat cum ipsis, quæ vegetis annis infensa deprehenderit.

Igitur, haud absolum omnia repudiare, tanquam sibi inimica, quibuscum in juventute suâ luctatus fuerit ; utpote cui jam non impune in certamen descendere liceat. Quinetiam, absit prorsus omne illud, unde dolorem, unde ægritudinem, unde tandem molestias senserit.

Secundò, multa, quæ olim grata fuerint, nunc omittere fatius est. Ita enim res habet, ut, quæ virorum animos excitare solent, ea in senium vergentes fatigent; quæque hilaritatem virili, iracundiam proVectiori ætate parere apta nata sint: Quos itidem labores voluptatis causâ suscipiunt viri, hos magis atque magis, quemadmodum senectus obrepit, iidem improbant. Nempe, hoc iudicium ex largâ experientiâ provenit; eadêmq; indies confirmatur.

Itaque motus impetuosos, opera diuturna ac graviora, iras, curasque, & cuncta demum violenta, perinde atque toleratu difficilia, non inconsultè fugiunt ætate proVectiores.

Propter eâ, itidem, prudentis est, cibi potûsque genus ac modum servare; ubi in mollibus & simplicibus rariùs, in acribus & compositis semper ferè, quicumque fuerit modus, peccatur,

Interim,

Interim, non negandum, plures, quos vivendi tædium afflixit, austeros nimium affectare mores; qui causam quidem quarunt, quamobrem hominum deferant confortium; antequam eos, per annorum feriem, aut virium defectum, inter emeritos numerare fas sit.

Hoc autem naturâ invitâ faciunt, quæ provectos, ipsosque senes, si non lætos, attamen minimè tristes esse jubet; &, si non frui adhuc vitâ liceat, eadem tamen leniter, & non ingratè uti concedit.

Itaque, nec mœstitiæ indulgere suadet natura, nec genio; nec rusticiùs vivere, nec magis, quàm par est, opiparè: Quinimo velit, moribus seniores esse adeò faciles, ut juniores non modò non abigant, verùm itidem eosdem attrahant.

Interest, enim, non exulare ab eorum consortio, qui spirituum copiâ exultant;
quorum

42 *De Ætate Vergente.*

quorum vires indies augescunt; quique ad spem meliorum perpetim eriguntur. Etenim accenditur denuo horum societate vitalis flamma; aliturque ipsa ad extremam usque senectutem; eam tamen conditione, ut ne difficiles sodalibus sese præbeant; neve displiceant læti juvenum mores; nedum superbè, aut cum fastidio se gerant. Scilicet, frangit vires animi simul corporisque ea solitudo, quæ cum metu & tristitia conjungitur.

Idem etiam otium & desidia efficiunt; adeò ut, qui ijs sese dedant, querantur plura, quàm sentiant, mala; miseriasque, dum jam quasi stagnet vita, singulas cum luctu notando, satis suopte ingenio graves exaggerent. Ideoque, habeant propria sibi negotia provecti; habeant saltem, quibus benefaciant: Neque se indignum opinentur, juvenum, qui aliquot post annos sequuntur, benignos esse comites, & beneficentiæ exemplaria.

Hoc

Hoc enim vult natura, quæ curis hanc ætatem circundat; nimirum, ut eadem benefica, quæcunque utilia vivendo collegit, communicet: Idque avaritiæ, propter quam senes vituperantur, tanquam frænum injicit; dum sanos esse ipsos non vult, nisi amicitiam juniorum colant, eosque in societatem secum cooptent.

Et constat quidem requiri, quæ curas sæpe perquam inanes dissipent, animûmque nimis serijs defixum relaxent. Horæ enim tunc temporis graviores; tempestatesque non suaviter, uti prius, præterlabuntur: Frustra autem fueris, si aliunde, quàm à naturâ ipsâ poscis remedium; quæ, quoniam seniores experientiâ vitæ antea actæ instruxit, ab iisdem postulat, ut ne cum ipsis, quod didicerunt, sepulcro committatur; verùm, ut illud ijs, quos post se relicturi sunt, tanquam lampada viæ ignaris, tradant.

Quamobrem, à proposito non aberratur, quando ob oculos ponamus, quantum à
se

44 *De Ætate Vergente.*

se discrepent priores ac posteriores ætates: Infantia quidem debilitas lacticijs primùm alitur; ex quibus ad alimenta spissiora progreditur gradatim pueritia: Unde ad adolescentiam assurgentes varijs cibis, potulentisq̃ aliquatenus spirituosis fruuntur. Exardet inde juvenus, affectibusque violentis corripitur; augeturque quotidie vigor, donec maturitatem perfectam attigerit.

Jam, verò; vita constare per plures annos videtur, quo tempore elucent virtutes à naturâ insitæ; prout quisque ad majora natus est; vel humilioribus solis contentus vivit. Exinde, tardiùs aut celeriùs traducitur hoc ævi spatium; idque pro diversâ hominum naturâ, non secus ac operibus, & innumeris, quæ circundant, casibus, ipsaque diætâ ac regimine, maximè varium apparet.

Dehinc quidem nascitur malorum experientia, ac nonnunquam bonorum: At, quum hisce quàm illis rariùs occurratur; adeò ut, quæ non ineptè sibi moliri visi sunt,

sunt, spem conceptam sæpissime fallerent; felicitis expectatio eventus sensim imminuitur. Id verò præcipuè urgere solet, quòd vix quicquam inter animi corporisque bona, cui fidendum esset, nòrint. Igitur, abundans cautela tandem consilijs dominatur; atque ad eam, tanquam ad portum, se recipit provecta ætas: Idque quidem rectissimè decernit natura, ut, quando omnia in deterius ruentia videat fera ætas, atque à malis undique obsideatur, hæc ab ijs dies noctesque, quantum fieri potest, sibi caveat.

Hinc, itidem, frænum violentis omnibus injicere discunt grandævi, iisque contentos esse, ex quibus dolores ærumnæque ortum minimè trahunt. Quæ quidem in votis habent: Attamen aliud vult rerum natura, quæ eos immiscuit junioribus, neque adhuc de grege mortalium excerpfit; nec, tanquam communi eorundem lege solutos, secrevit: Unde necesse est, ut aliorum bonis malisque tangantur.

Interea,

46 De Ætate Vergente.

Interea, autem, dum hæc avertendo, aut emendando, illa verò consequendo, atque insuper ampliando, stabiliâque reddendo animus præclarè occupatur, ac destinetur, non rarò evenit, ut ultimus vitæ actus transeat, atque ita, natura periodum suam feliciter absolvat. Nimirum, eâ præcipuè ratione beata finitur vita: Quæ, planè quasi circulus, cujus initium nobis incognitum fuit, sine exitu itidem præcognito consummatur.





C A P. V.

*Consilia medica de sanitate tuenda
ætate provectorum.*



ACTENUS monita prudentum, qui medicis non ascripti fuerunt, relata sunt; jam verò consilia medicorum tractanda: Ac videndum, qualia illa sunt, quæ ipsi præceperunt, de sanitate provectorum constanter, quantum licet, tuendâ.

Primùm, igitur, consulitur, ut præ cæteris curetur, ne nimiae sanitatis speciem vultu præbeant. Quod enim generatim de omnium ætatum hominibus monet Celsus, id certè locum imprimis habet, ubi de provectorum sanitate consultum fuerit.

Verba

48 De *Ætate Vergenti.*

Verba sunt ; * Si plenior aliquis, & speciosior, & coloratior factus est, suspecta habere bona sua debet. Quæ, quia neque in eodem habitu subsistere, neque ultrà progredi possunt, ferè retro, quasi ruinâ quâdam revolvuntur.

Notandum verò, quod Celsus commune esse omnium docet, hoc † Coum senem ad athletas retulisse, eosque, qui similem illorum habitum optârunt, sese exercitando, atque ad normas eorum nimium accuratas vitam dirigendo : De quibus quidem ** Celsus iudicium profert ; quòd ea corpora, quæ more eorum repleta sunt, celerrimè & senescunt & egrotant.

Quoniam autem apud Græcos fuerunt in honore, qui in sacris ludis vicerant ; juvenes, qui præ cæteris eminere studebant,

* L. II. c. 3.

† Ἐν τοῖσι γυμνασικοῖσιν, αἱ ἐπ' ἄκρον εὐεξίαι σφαλεραί, ἣν ἐν τῷ ἐχάτῳ ἔωσιν· ὁ γὰρ δύνανται μένειν ἐν τῷ αὐτέῳ, ὁ δὲ ἀτρεμέειν· ἐπεὶ δὲ ὁ ἀτρεμέειν, ὁ δέτι δύνανται ἐπὶ τὸ βέλτιον ἐπιδιδόναι, λείπεται ἐπὶ τὸ χεῖρον. Ἀφορ. Τ. 1, 3.

** L. I. c. 1.

sese

sefe quotidie exercendo non inhabiles ad certamina reddere, ingenti æmulatione atque animorum contentione nitebantur: Ex quo demum medicis innotuit, quid mali ex communi hoc vivendi instituto ortum habuit.

Quòd si, igitur, more athletarum vivere junioribus improbandum esset, propterea quòd vitam breviorē redderet, aut ægro-
tationem accerferet, & senectutem acceleraret; multò sanè magis hoc senioribus nociturum est: Utpote quibus per ætatem ultrà progrediendi, novúmque à naturâ vigorem asciscendi, spes nulla concipi possit. Etenim de vitâ ipsorum aliquid semper decessurum est; neque sanus eorum habitus eòusque, quò prioribus annis, assurgit.

Quapropter, eo sanitatis modo contentos esse seniores oportet, qui ætati naturæque pariter suæ conveniat. Et, si quando ad aliquid ultrà extenditur corpus, certo certius est, eo ipso, quod supervacuum est, hoc repletum iri: Ideòque,
E quam-

50 *De Ætate Vergente.*

quamprimum constiterit, omne istud tanquam onus detrahare minimè pigebit.

Igitur, prout quivis gaudens optimo corporis habitu, qui in lubrico secundæ valetudinis culmine consistere diu nequeat, grandis jam natu præ cæteris periclitatur; ita occasionem de eodem aliquid demendi mox arripere, illum oportebit, quisquis sanitate constanti frui optat. Attamen, in hoc fastigio positus, descendere non nisi gradatim, licet; atque eâ quidem lege, ut restituant paulatim, quicquid sine molestiâ aut ægritudine detrahitur. Etenim, huc omne tendit consilium, ut alimentis iterum egeant, quibus denuo, quasi ab initio repetentes, recreentur; unde itidem nihil de facultatibus corporis animive decedere sentiant.

Itaque, quum periculum ab utroque extremo, tum inani, tum repleto corpore, impendeat, cautione opus est, ne, dum hoc fugimus, in illud incidamus.

Ergo,

Ergo, in loco laudato subjungit * Hippocrates ; *naturam* cujusque, *quousque* ferre possit, perpendendam esse ; *ibique* *subsistendum*. Quâ quidem ratione, vires illius non frangentur ; at, seorsum à morbo, in gradu sanitatis debito consistere valeat.

Quoniam autem aliâ tempestate magis, aliâ verò minùs, securè vivitur, operæ pretium videtur, ut in easdem inquiremus. Priùs verò quàm ad singula deveniamus, animadvertere par est, † naturas hominum à se invicem discrepare, adeò ut aliæ æstate, aliæ hyeme benè vel malè habeant : Quam quidem distinctionem, per totum vitæ curriculum usque ad extremam senectutem, in nonnullis videre est. Attamen, id non impedit, quò minùs, quæ sequuntur, observationes fidem atque attentionem mereantur ; tanquam ex illo

* Ομοίη ἂν ἡ φύσις ἢ τῷ μέλλοντος ὑπομένειν, ἐκ τούτου ἄγειν. Ἀφορ. T. I, 3.

† Ἀφορ. T. III, 2.

52 *De Ætate Vergente.*

monitorum genere, quæ plerumque in usum ducere liceat : Quanquam, etiam, de eâ re in singulis naturis, medicus prudens cum primis percunctetur.

Tutissimi quidem *hyeme*, qui inter *juventam senectutemque* sunt, à * Celso ex Hippocrate † pronunciantur ; ut & *senes astate*, & *autumni primâ parte*. Dein, *inimicior senibus hyems*, ait Celsus. Non quòd ea anni tempestas, frigore ob longam solis quotidie absentiam, obliquosque post ortum radios, unde animantium æquè ac vegetantium vita languet, solùm notetur ; verùm etiam, quòd morbi tunc temporis generentur, quibus speciatim obnoxia est hæc ætas.

Provectioribus enim pituita, ** *hyeme* durante, molestissima est ; adeò ut, nisi

* L. II. c. I.

† Τῆ δὲ θέρος, καὶ τῆ φθινοπώρῃ, μέχρι μὲν τίνος οἱ γέροντες τὸ δὲ λοιπὸν τῆ χειμῶνος, οἱ μέσοι τῆσιν ἡλικίῃσιν [supple ex præcedentibus] ἄριστά τε διαγῶσι, καὶ ὑγιαίνουσι μάλιστα. Ἀφορ. T. III. 18.

** Ἀφορ. T. III. 12, 23.

viscosum hoc onus solvatur, in discrimen eos perpetuùm inferre valeat. Cui quidem malo media ætas, dum firma manet, proprijs viribus resistere potis est.

E contrà, tutissimi sunt senes æstate, & autumnì primâ parte; quoniam ijs tempestatibus non modò calor solis satis viget; sed & morbi, quibus senectus opportuna est, abesse solent: Imò etiam iisdem oppositi dominantur; ac quales ex ipsis fortè derivantur fontibus, unde senibus infirmis suppetiæ afferuntur. Etenim, vix dubitare licet, quin radices, legumina, fruges, olerâque & fructus, æstate aut primâ autumnì parte, plus valeant recenter collecta, ad exuscitandam vitæ flammam languidam ac tremulam; quàm in hyemem servata, aut quæ solem æstivum nondum senserunt. Quapropter, & imbecillitati senectutis congrua sunt; & adolescentiæ crescentem indies calorem ad effervescentiam excitant.

Quandocunque autem de statibus anni temporibus sermo sit apud medicos, is omnino de communi naturæ ordine intel-

54 De Ætate Vergente.

ligendus est; qualis plerumque observatur. Interim, verò, excipiendæ speciales cœli aërisque mutationes; quæ improvisæ sub artis regulas minimè cadunt. Attamen, hæ subitaneæ translationes ab altero in alterum extremum, seu frigoris sive caloris, siccitatis vel humiditatis, gradum, inter evidentes adversæ valetudinis causas, sæpenumero, nec quidem injuriâ, recensentur. Quâ de re sequentia ex * Medico sæpe laudato huc transferre liceat; *Immutationes tempestatum maximè morbos pariunt: Atque in ipsis tempestatibus magnæ variationes aut frigiditatis aut caliditatis, cæteraque similiter ad eandem rationem. — In tempestatibus, quando eâdem die, nunc quidem caliditas, nunc autem frigiditas adsit, autumnales morbos expectare oportet.*

Ac hujus quidem effati interpretationem † mox subjungit, quæ Celsianis verbis sic Latinè sonat: *Ex tempestatibus optimæ æquales sunt, sive frigida, sive calida; pessimæ, quæ maximè variant. Quò fit, ut au-*

* Ἀφop. T. III. I, 4.

† Ἀφop. T. III. 8, 9.

tumulus plurimos opprimat. Cujus itidem rei rationem exponit ; Nam ferè meridianis, inquit Celsus, temporibus calor : Nocturnis atque matutinis, simulque etiam vespertinis, frigus est. Corpus ergo, & æstate, & subinde meridianis caloribus relaxatum, subito frigore excipitur. Sed ut eo tempore id maximè fit, sic quandocunque evenit, noxium est.

Veruntamen, haud scio an Celsus sagacissimi Græci sententiam assecutus fuerit. Siquidem Hippocrates * monitum profert ex intimo medicinæ penu ; quòd, in temporibus, ubi idem tenor servatur, siquæ tempestatis cujusque propria habentur, tempestivè & secundum communes de eâdem tempestate observationes, edita sint, morbi feliciter constant & judicantur : In illis verò, quæ uno tenore non fluunt, morbi instabiles & incerti sunt quoad exitum, nec facilè judicantur.

* Ἐν τοῖσι καθ' ἑαυτὴν καιροῖσι, ἢν ὡραίως τὰ ὡραία ἀποδίδωσιν, εὐσθεεὲς καὶ εὐκρινεεὲς αἱ νόσοι γίνονται : ἐν δὲ τοῖσιν ἀκατάστατοισιν, ἀκατάστατοι καὶ δύσκριτοι.

De his, igitur, medicus tanquam ancipitibus ambigit; quoniam ipsa morborum natura, per varium cœli morem affecta, hanc vel illam formam induit. Quam doctrinam mox confirmat; *Autumno*, enim, morbi acutissimi sunt, & maximè lethales in univèrsum. Ver autem saluberrimum est, & minimè lethiferum.

Nimirum, pater ille artis medendi hîc loci de inconstantia in morbis ipsis loquitur, & unde ea præcipuè oriatur. Et hinc medicis cautionem adhibendam indicat; dum res ipsa in lubrico sita est. Priùs enim de mutationibus aëris, tanquam fontibus morborum autumnalium, scripserat; nunc verò, de morbis ipsis, qui ab iisdem derivantur, vel autumno, vel vere: Hi quidem non ut plurimum mortiferi; illi verò, si non in lethum desinant, difficulter tamen ad judicationem perveniunt. Idque sanè ab illius doctrinâ non abludit, qui ex professo omne morbi vitium esse in spiritu docuit. Unde proximè videtur additum esse; * *Autumnus tabidis malus.*

* Ἀφρο. T. III, 10.

Hæc autem five à Celso confunduntur ; five saltem non satis distinctè apud eundem tractantur : Ideoque operæ pretium duxi, quasi in transcurso, eorundem mentionem facere ; quia cujusque nostrum maximè intersit, nōsse, non solum, qui morbi singulis tempestatibus nascantur, verum & ad quem exitum perducant.

Propterea, enim, qui se sanos tueri velint temporibus notatis prospicere salutis suæ debent : Nec ullis mortalibus utilior est eorum cognitio, quàm nostratibus Britannis. Quorum quidem patria, Insula est varijs anni tempestatibus juxtà cum Continente obnoxia : Cui cœlum, utcunque varium & semper mutabile sit, rarò tamen æstivo sole torretur, vel hyberno frigore inhorrescit. Ideoque ad nosmet magis spectat, quicquid à celeberrimis medicis, de inconstantia temporum in ipsis statis anni tempestatibus, proditum fuerit.

Quemad-

58 *De Ætate Vergente.*

Quemadmodum autem seniores, in æstate & primâ parte autumnî, à morbis tutissimi sunt ; ita etiam tunc temporis, adversus posteriorem autumnî partem & hyemem ingruentem, sese tueri oportet. Namque, quum jam optimè valeant, consilium inire præstat, quibus præsidijs, à tempestatibus ipsis & frigore invasuro, se muniant.

'Antiquissimi medici, ex more qui in regionibus orientalibus invaluerat, constanti balneorum usu hoc operis aggressi sunt ; item & fomentis, aliisque corpori exterius adhibitis. Attamen, hæc, quibus non assuevêre, provectioribus experiri vix licebit. Atqui, si quando lavatione opus habent ; in aquam egelidam sese demittere nequaquam pigeat. Sudores enim elicere grandibus natu, qui jam sani manent, per solem, vel exercitationem, per balnea vel fomenta, vix convenit. Siquidem hæc debilitant ; ast imbecillos, quales habendi sunt, de quibus sermo est, parum admodum juvant.

Purrò

Porro, si quis præsidium in victu quærit, advertendum erit ad pronunciatum de senibus, quòd * *multis fomitibus extinguantur*. Postquam, enim, ulterius minimè crescant homines, jejunium eosdem non tam graviter affligit: Quoniam tam amplâ alimentorum copiâ non egent.

Itaque senes † *facillimè jejunium ferunt*: Unde quidem fit, ut, quum copiosius ingerantur dapes, ex iisdem plurimæ superflue oneri futuræ sint; quod nisi amoveatur, periculum est, ne repenti opprimantur.

Convenit, igitur, huic ætati ante cibum ambulatio, eaque non ad fatigationem, aut etiam lenis gestatio, usque dum appetitus valeat. Iterare etiam non alienum, siquid post cibum ingestum sensu gravitatis afficiat.

* Ὅτι πολλῶν γὰρ [ὑπερκαυμάτων] ἀποσβέννυνται.
Ἀφορ. Τ. Ι. 14.

† Ἀφορ. Τ. Ι. 13.

Convenit, itidem, senioribus placidè per noctem requiescere ; quod quidem exigunt vires, quæ nullâ aliâ methodo in tantum refici queant.

Verùm, uti ab autumnii exitu, & hyeme semper cavendum ; sic in patriâ nostrâ perpetuò ad cœli temperiem attendere ætate provectis usui erit, ut frigus defendant, ventósque aquilonares ; qui quidem secum quasi tela rapiunt, vulnúsque corpori, quod primò fortean non sentiatur, frequenter incutiunt.

Igitur, hoc ab ijs, cœlo adverso, quodocunque accidit, metuendum est : Unde, quâvis anni tempestate, non modò mors inopina percellit ; sed & morbi diuturni graves, qui hanc ætatem circumsepian, non rarò invadunt.



C A P. VI.

De affectibus ætatis vergentis.

ATAS jam vergens, ab immi-
nuto indies vigore pendentibus,
vitijs laborat: Hæc autem, seu
in sero, sive in pituitâ, latitare
veteres docent. Et debilitas quidem fa-
cultatum naturalium nonnullos ad senectū-
tem accedentes magis, nonnullos minùs,
premit. At, si eadem nullum afferat mor-
bum, seniores, qui hoc solùm modo se ha-
bent, inter sanos numerandi sunt. Inte-
rim, ex duplici hoc vitiorum genere, is
habitus, ubi in pituitâ morbi fomes resi-
det, non tam malè audit, quàm ubi in se-
ro exundante constitui videtur. Imò etiam,
paucissimi apud nostrates sunt ætate prove-
ctiores,

62 De Ætate Vergente.

Ætiores; qui, pituitam aliquando sibi grævem fuisse, non querantur.

Quod autem attinet ad utrumque istud morborum genus; commune ijsdem videtur, ut vel ejus naturæ sint, quæ per tempestates ipsas, temporumque in ijs mutationes, & adducantur, & abstrahantur; vel quales adeò ingravescant, ut in discrimen sive vitæ, sive functionum naturalium ab hac, vel illâ, parte inferant.

De prioribus quidem ea monenda sunt speciatim, quæ aliquatenus minuant, nec tamen debilitent, aut alio aliquo modo lædant, donec immutatione temporis malum evanescat: Ad posteriores verò tollendos, remedijs opus est, quæ naturæ suppetias opportunè ferant; quibus neglectis, Hippocratis * effatum verissimum deprehendetur, quòd, *quicunque morbi senibus diuturni sunt, ut plurimum commoriuntur.*

* Όσα δ' ἂν αὐτέοις χρόνια νοσήματα γένηται, τὰ πολλὰ ξυναποθνήσκει. Ἀφορ. T. II, 39.

En verò affectus ipsos ab Autore * laudato enumeratos; spirandi difficultates, & defluxiones cum tussi; urinæ stillicidia; urinæ difficultates; articulorum dolores; nephritides; vertigines; siderationes; malos habitus; pruritus totius corporis; vigiliæ; alvi, oculorum & narium humiditates; visûs hebetudines; glaucedines; auditûs gravitates.

De quibus quidem sermonem eâ ratione instituere videtur, quâ singulorum affectuum cum causis suis conjunctio ostendatur. Causæ vero, præter imbecillitatem à naturâ, sive in fero, sive in pituitâ, nonnunquam conjunctim, aliquando etiam separatim, reperiri solent. Quinetiam, feroso sæpe latici, ut & pituitæ, varia salium genera, uti etiam concreta interdum dura immisceri palàm est. Interim, tamen, ne pigeat advertere; quòd quivis humor, qui à sanguine secernitur, sub feri, laxiùs accepti, nomine comprehendatur.

* Aq̃p̃p. T. III. 31.

Quandocunque, igitur, hi affectus urgent, dispiciendum primò, unde oriantur; exempli gratiâ, spirandi difficultas adesto, quæ interdum pituitæ viscosæ, interdum etiam humori pulmonem prementi debeatur: In quibus quidem nonnunquam fomes arthriticus continetur. Siquando autem constet, ab hoc ultimo natum esse istiusmodi affectum, ad morbum articulare, tanquam scopum medendi primum, consilium dirigere prudentis est.

At, ubi spiritûs difficultas videtur provenire ex humore seroso pulmonem gravante, vel etiam pituitâ crassâ locis circa eum hærente, in causas ejusdem priùs quis inquireret, quàm hanc vel illum tollere aggredietur. Forsitan, enim, qui hoc morbo laborat, quieti nimis, aut somno deditus fuit; aut cibum fortè, potumque nimis crassum ingerere solitus fuit; aut, etiam, meatus subito frigore occluduntur. Horum quidem varia causa est; at, nisi eadem sublatâ, morbus non solvetur.

Profectò,

Profectò, quando morbi diuturni facies obversetur; cœli solique mutatio, & exercitationes in eorum mentem venire solent, qui experienciâ didicerunt, quanta ab iisdem speranda sunt; præsertim, quoniam reliqua, quæ eruditi tradiderunt, sine illarum beneficio vix profunt: Quum tamen ipsis conjuncta, aliquando ultra spem circumstantium, hominibus ætate provectis præsidio sint.

Quò propiùs, igitur, morbi natu grandium ad chronicos accedant; eò magis ab eorum legibus pendent: Quapropter, horum regimen, longiùs ab eo, quod acutorum proprium est, recedit.

Ergo, quæcunque inanitiones fiant, si opus sit, peculiare videtur ætati vergenti, ut ea, quæ leniter agant, non autem fortiora, adhibeantur: Atque ex adverso, si repletionem utendum sit, parcè admodum alimenta, atque etiam ipsa sola, quæ coctu facilia sunt, dare expedit: Idque primùm considerare, ne oneri sint, quæ addan-

66 *De Ætate Vergente.*

addantur ; sicut è contrà, ne vires absumantur, quoties aliquid detrahitur.

Aliter autem se res habet in acutis ; ubi metus est, ne recrudescat morbus, quum æger seipsum haud debiliorem sentiat ; etiamsi symptomata dispareant : Ast, in senibus ipsa virium diminutio pro morbo habenda est, qui difficulter levatur.

Quinetiam, si appetitus vigeat in acutis ; suspicioni locus est, ne acria ventriculum mordeant ; vel aliqua lateat ejusmodi causa, quam abesse ægrotantium refert : At, in senibus optimum reconvalescentiæ subitæ indicium est ; adeò ut præcipuæ sit medentibus curæ, ventriculum confirmare, eúmque omni arte corroborare.

Porrò, in acutis affectus nervei non in tantum metuendi sunt, modò inanitio larga præcesserit ; quoniam acuti sæpissimè ægrotis, per aliquot symptomata, quæ ad Hysteriam seu Hypochondriacismum vulgò referuntur, valedicere solent : Ast, in grandævis periculum hujusmodi spirituum defectibus subesse, nemo non credit.

Ambi-

Ambigere demum fas sit de Venæ sectione, quatenus utilis senioribus habenda est; idque, quia antiqui ultimam ætatem sustinere non posse hoc auxilij genus judicabant. Et sanè opinari liceat, hosce vetustissimos medicos hoc judicij non protulisse, nisi postquam experti fuissent; utrùm commodum, quod ex sanguinis, incisâ venâ, missione provenerat, vincere incommoda solebat, quæ inde exoriri ipsis videbantur.

Tum verò, considerandum, eosdem de ultimâ ætate hoc monitum intelligi voluisse; quicum tantum imbecillitatis conjungi arbitrabantur, ut cautionem præcipuè adhibendam docerent: Eò quòd, sanguine malè missò, emoriatur vis, si quæ supererat, hoc modo eidem erepta, qui imbecillus fuerat.

Quapropter, vires priùs observandæ sunt, quàm de copiâ sanguinis mittendi statuatur: Quod quidem abunde ei patebit, qui, quantum temporis, viribus post sanguinis copiâ prælargâ missionem reficiendis, apud

68 *De Ætate Vergente.*

populares nostros natu majores, infumatur, seriò cogitavit.

Veruntamen, fatendum est, hoc aliter se habere, quum de ijsdem agatur, qui per multos retro annos sanguinem cum levamine detrahare assueverunt, quique ferè perpetuum lentorem in eo latice ostendunt.

Igitur, quandocunque levamen sperari nequit, nisi secetur vena, paucas solummodo sanguinis uncias ægro jam seniori detrahare forsan videbitur ; ne morbum diuturnum ex eodem uberiùs misso contrahat.

Hinc, autem, generatim dicendum venit, & de gracilibus & obesis ; quorum posteriores meliùs ætate provectâ habent ; faciliùsque arte medicâ tractantur : Ut pote quibus jamjam additum est, quod detrahi potest. De prioribus, verò, dispiendum perpetuò, an eâ copiâ recreentur, quâ demserit dies. Propè enim in morem tabis, senectus depascit ; ideóque minimè fidendum est cæteris bonæ notæ rebus ; si gracilitas hâc ætate celeriùs adproperet.

Ergo,

Ergo, quæcunque corpus implendo contra tabem militant, senioribus attenuatis præsidio sunt: Non, quòd obesitas eligenda sit; verùm, quòd sanus, tunc temporis, habitus corporis in eandem, magis quàm macilentiam, inclinet. *Gracile, enim, corpus, monente * Celso, infirmum est.*

Verum enim verò, hujus loci est, attentius naturam affectuum recensitorum considerare; quos quidem in classes distribuere par erit; quò dilucidius exponatur, quâ ratione grandævus lædant, fontesque malorum evadant, quibus iidem aliquando seriùs, aliquando citiùs, succumbunt.

Itaque nonnulli ortum ducunt ex tenaci quâdam materie, quo veluti onere viscera laborant, unde functiones suas ægrè obire solent; alij verò, ex eâdem rejectâ in articulos, unde hi ad motum inhabiles redduntur: Alij, itidem, ex sanguine lento proveniunt; qui quidem nonnunquam caput tentant, impediuntque, quò minùs

* L. 2. c. 1.

70 *De Ætate Vergente.*

sensus clarè percipiant, aut animi ipsius dotes vigeant: Alij, iterum, in causâ sunt, cur totum corpus malè habeat; &, cur spiritus depauperati fomitem undique diffusum, inani conatu, per cutis meatus dispellere nitantur: Alij, tandem, perpetuò humorem eliciunt, corpúsque desiccant. Dein, nil miri videri potest, si huic ætati curis vexatæ, morbísque istiusmodi obnoxia, somnus sæpe denegetur.

Proinde, autem, secundum hanc distributionem singuli eorum commodè tractari queunt.

Veruntamen, operæ pretium videtur dispicere, utrùm ordo, quo ab Hippocrate recensentur, naturam rerum sequatur. Primùm, igitur, verisimile est, sex posteriores affectus, hos ipsos, quos sanorum senum nomine insignivimus, extremâ jamjam senectute confectos invadere; vel, saltem, non ita multos eorundem immunes, qui maximè longævi sunt, persistere. Etenim, ejusmodi symptomata tum demum molestiarum abunde exhibent, quando malo habitu antecedente ægri laborârint.

Proxi-

Proximum etiam est, ut de fideratione observemus ; quòd eâdem rarissimè natu maximè * grandes opprimantur.

Dein, verò, spirandi difficultatem sæpe vergentibus in senectutem adesse notum est ; uti etiam affectus, qui ordine Hippocratico sequuntur, usque ad vertiginem.

Quamquam, autem, hæc curiosiùs persecutus nonnullis videar ; non tamen ipsa, siquid conjecturâ assequar, ijs displicebunt, qui Hippocratem attentè perlegerunt ; & quibus divini senis brevissima facundia in delicijs est. Totus, enim, ille est in naturæ methodo indagandâ ; atque eandem per omnia ipse persequi docet : Ideóque, quisquis scripta hujusce autoris gustare velit, illum ad hanc veluti cynosuram perpetuò attendere oportebit.

* Ἀπόπληκτοι δὲ μάλιστα γίνονται, ἡλικίῃ τῇ ἀπὸ τεσσαράκοντα ἐτέων ἄχρις ἐξήκοντα. Ἀφορ. T. VI. 57.



C A P. VII.

De affectibus ex materie tenaci.

U A M D I U visceribus tonus manet firmus, eaque exactè & absque intercapedine munia sua obeunt, humori peccanti hospitium vix datur : Neque in duritiem succus iste malignus concrefcit. At, si viscera singulis officij sui partibus implendis, aut oneri nimiùm gravi sustinendo, imparia fiant; tum demum operi, quo liquores debitam partium tenuitatem, ac fluorem justum consequantur, satisfieri nequit : Ac, dein, recrementis sedes quæruntur; quibus eadem excepta, nisi tempori ejecta fuerint, primùm incrassescunt, deinde etiam in corpora dura coalescunt.

Proin-

Proinde, siquando constet, id vitij visceribus impactum fuisse, hoc non aliâ tutiùs viâ amoliri solet natura, quàm translatione in articulamenta: Unde, amoto onere, viscera quidem se recolligunt, morbus verò articularis nascitur.

Propterea, naturâ duce, spirandi difficultas, quodocunque hâc materie fata sit, commodè per articulorum tumores sublevatur: Idque feliciùs, quando id operis auxilijs peragatur, quæ huic naturæ inclinationi minimè repugnant.

Quæ, verò, partes spiritui accommodatas juvant remedia, nec ventriculum interim lædunt, hæc incassum nusquam adhiberi solent; nisi, ubi causa ejusmodi lateat, quam ars dimovere nescit: Qualis scilicet intelligitur, siquando concreta ibi duriora, ac prorsus lapidea, impacta reperiuntur.

Proximum autem est, quando defluxiones cum tussi partes easdem, vel non longè ab hisce distitas vexent: Siquidem serum
perpe-

74 *De Ætate Vergente.*

perpetuò extillat; ac, nonnunquam acrius redditum, tussim subinde recurrentem excitat. Dein, verò, alia aperienda sæpe via est; quâ quidem ipse latex exundans derivetur: Idque, quamprimum patet, quòd non à tempestatis subitanæ immutatione proveniat; verùm ab internâ magis causâ pendeat. Attamen, non fidendum folis serum derivantibus; verùm etiam liberior aëris rusticani usus conjungendus est; ac exercitatio simul adversis collibus, locisque editioribus repetenda: Huic quidem superare clivum aliquem proderit; ille verò, non nisi ad jugum montis crebrò conscenderit, confirmatur. Siquidem hæc exercitationum genera partes respirationi dicatas roborant, siccantque; & faciunt, ut naturæ vires suppetant; quibus dein instructa, quicquid infensum est, subigat, eliminéque.

Quinetiam, sæpenumero spiritûs difficultas ex malo corporis habitu oritur: Et hic quidem primùm curandus, antequam spes illam levandi concipi possit. Itaque confugiendum est ad diætam simplicem, non tamen qualis enervet, vel ventriculum lædat;

dat ; sed, quæ per diuturniorem à cibo abstinentiam, vel exercitationes solennes, grata reddatur.

Ad eundem itidem modum pruritus totius corporis sublevatur ; nempe naturæ conamina sustentando, rebúsque lenibus, & boni succi alendo ; donec molestus istius morbi fomes per cutis spiracula exterminetur.

Vertigo in natu grandibus ex pituitâ generari solet, quæ, quum ventriculo adhæreat, in causâ sæpe est, cur senectute fracti sentiant inter ambulandum omnia circumagi.

Ergo, pluribus eadem opitulantur, quæ pituitam leniter subducunt ; idque seriùs vel citiùs, prout sanguis largiùs vel parciùs missus fuerit : Præsertim, si, quæ corroborant viscera, adjiciantur ; quibus omiffis, crebrò recurrunt vertiginosæ affectiones ; idque ita habere non inusitatum est, usque dum, alimentis boni succi repletis visceribus, tonus exinde in integrum restitutus fuerit.

Porro,

Porro, tenax hæc materies secundum gradus singulos intelligitur; adeò ut præcipuæ medentibus curæ sit dispicere, utrùm eò visciditatis jam pervenerit, ut sine remedijs fortissimis dimoveri nequeat; aut etiam, utrùm efficacissimis minimè cedere soleat: Sideratio quidem lentiori priori gradu; uti nephritis nonnunquam, sæpe etiam morbus articularius, quando inveterascit, posteriori debetur. Sic, ubi congelatio repentina frigore acutissimo procedit, inde oritur affectus instar siderationis; quæ pro gradu congelationis plus vel minus levaminis accipiat.

Notandum verò, quòd in morbis, qui senectutem maximè spectant, enumerandis, Celsus * *nervorum resolutiones* vertat hanc Græcorum † vocem, quam nos, secuti interpretes Hippocratis Latinos, siderationem nuncupamus. At verò, alibi ** ex professo pluribus hunc morbum describit; *Attonitos rarò videmus, quorum & corpus &*

* L. 2. c. 1.

† Ἀποπληξίαι.

** L. 3. c. 26.

De Ætate Vergente. 77

mens stupet. Fit interdum ictu fulminis, interdum morbo : Hunc ἀποπληξίαν Græci appellant. Dein, paulò pòst subjungit ; At resolutio nervorum frequens ubique morbus est. Sed interdum tota corpora, interdum partes infestat. Veteres auctores illud ἀποπληξίαν, hoc παράλυσιν nominaverunt : Nunc utrumque παράλυσιν appellari video.

Nimirum, Græci, eò quòd stupor improvisò, quasi à tonitru daretur fideratis; metaphorâ ductâ ab ictu fulminis (quod vulgò dicitur) ἀποπληξίαν nominârunt : Interpretes autem eorum Latini fiderationem dixerunt ; quòd, tanquam à nescio quo fidere, decumbentes perculsi essent.

Atqui, ijs fanè vocibus cum vulgo utendum ; quanquam neque fulmen in rerum naturâ sit ; nec quisquam tactu fideris hoc mali unquam passus fuerit.

De quo scilicet morbo vetustissimus ille medicus * effatum hoc protulit ; *fiderationem fortem quidem solvere impossibile est ; debi-*


* Ἀφρ. T. II, 42.

78 *De Ætate Vergente.*

lem verò, non facile. Nempe, fortis fideratio, omnia collapsa esse, pro indicio haberi debet; de quâ, igitur, quandocunque eandem adesse constet, meritò conclamatum est: Ideoque, de debili duntaxat, verba facienda sunt; quatenus ille affectus ad hanc ætatem pertinet.

Cujus quidem naturam si quis attentius perpendat, forsan à vero non aberrabit, dum inter morbos, qui ex viscoso quodam fomite nascuntur, numeret. Unde non rarò definit in morbum articulare: Videlicet, eodem fomite postea in artus translato, tollitur fideratio.

Quod attinet autem ad reliquos affectus, quos hæc classis complectitur; iidem senectutis extremæ indivulsi (ubicunque accidunt) comites videntur: Adeò ut, quæ, exactâ ætate, imbecillitati succurrunt, hæc non nihil quidem proficiant ad eosdem placidè ferendos, minimè verò tollendos; nisi in vigorem iterum reverti senibus fas esset.



C A P. VIII.

De morbo articulario.

UONIAM plures morbi, qui hanc ætatem affligunt, Arthritide superveniente sublevantur, proximum est, ut de eadem verba faciamus. Etenim via tentanda est, quâ natura tanquam remedio graviorum utitur, quò hic affectus commodo ægris vertatur. Quâ quidem ratione, qui articulorum doloribus vexantur, hoc solatij exinde accepturi sunt, ut, hisce interdum recurrentibus contenti, reliquorum immunes persistant.

Facultas locomotrix, quâ ad sanitatem tuendam opus est, læditur saltem, si non omnino tollatur, quum materia exundans,

80 *De Ætate Vergente.*

dans, postquam corpori alendo sat superque infumatur, derivetur in articulamenta.

Nimirum, ea videtur simplicissima cogitandi ratio, quâ hujus morbi causa menti objicitur; quippe quæ nil vitiati humoris in se complectatur; nec imbecillitatem corporis pro fundamento jaciat. Igitur, quicquid superfluum manet post absolutum nutriendi opus, id omne prægravat viscera: Quod quidem, licet æger haud statim sentiat, attamen nociturum demum experietur; quum loca, in quibus supervacua recondi solent, impleta fuerint.

Proinde, hæc loca sunt quasi minæræ, unde plura depromuntur mala; sine quibus hujusce morbi natalitia vix dignoscere est. Siquidem pro locorum diversitate fomes alius atque alius notatur; scilicet, alius circa ventriculum atque intestina; alius circa caput delitescit. At, si vitio primum caruit alimentorum salubrium copia; quæ quidem providâ naturæ curâ recondi cœperunt; eadem tamen incorrup-
ta

ta fervari nequeunt; nisi perpetuò, ubicunque opus est, distribuuntur; atque hisce vel illis partibus alendis impendantur.

Cui quidem usui inservit assiduus labor, vel exercitatio eidem accommodata. Exinde, autem, facilè addiscimus, quàm proclivis ad hunc morbum etiam sanitas existimari debet; quoniam post adolescentiam congeries eorum, quæ bene, perinde atque malè, nutriunt, subministret eidem causam.

Veruntamen, indoles morbi non eadem videtur; quodocunque ab alimentis integris, iisque boni succi, sed nimiam curam coacervatis pendeat; ac illa, quæ mali succi cibus debetur. Imò, nec morbus in tantum sævit, nec per complicatam symptomatum seriem diras edit strages, quales in ægrotis ubivis cernere est; qui viscerum tormina graviter conquerruntur, antequam ad articulos perveniat materia morbifica; dum intestina urit acerrima ea, mille pessimi succi ciborum, farrago.

G

Itaque,

82 *De Ætate Vergente.*

Itaque, interdum dolores colici antecedunt ; et, dein, articulorum dolores lancinant : Qui quidem mane somnos abrum-pentes, tyrannidem exercent ; cujus sævitiâ vexati, miseratione atque auxilijs dignissimi sunt.

Hæc quidem de acribus succis dicenda ; sed multò sævius restat adhuc reliquorum ingenium ; de quo nil felix faustumque medici pollicentur ; ast, quicquid natura novit durius, huic imputare affectui solent. Scilicet, in hâc congerie sæpe saxea concreta inveniuntur ; quæ ex angustis artuum sedibus expellere vix sperant : Ad quos quidem saburra calculosa labitur, forsan admista unctuofo isti liquori, qui ossium commissuris lubricandis inservit ; quique in eosdem motos jugiter influit.

Igitur, dum calculos huic immixtos præterlabi fas est, ibique atteri vel comminui ; satis demum attenuati excerni possunt : Ast, ubi transitus hisce omnino denegatur, tumores duri enascuntur, qui nunquam penitus subsidunt ; verum ex
inde

inde nodi generantur; atque interdum via aperitur per periosfleum; interdum etiam chirurgorum ope ipsos extrahere necesse est. Quî quidem fit, ut per plures annos cruciatibus infectos, ægri, infeliciter vitam tolerantes, tandem letho dentur, tanquam foli malorum, quæ diutius non fert natura; levamini.

Profectò, eâ morbi sævitia, non rarò menti objecta, stimulos subdidit acriores; ne, si quid adjutorij uspiam recon-
diderit natura, idipsum me exquirentem imposterum lateret: Inquirenti, verò, eadem difficultas obsistebat, ac illi, qui lapides prælargos in renibus aut vesicâ solvere conatur. Ergo, id duntaxat restitit, ut morbo venienti occurreretur; sed hujus jam confirmati, non citiùs quàm illius, solutio promitteretur.

Dein, quod attinet ad variam morbi articularis faciem, quum primùm invadat, næ eâ sagacitate, quâ experientia satis larga solet dotare, opus est, ut eadem dignoscatur. Multiplex enim ei larva tam altè tegit, ut, nisi ipsâ pror-

84 *De Ætate Vergente.*

fus detractâ, oculis non subjiciatur. Oculorum rubor et inflammatio; torpor; dolores colici; sanguinis per nares fluxus, et per hæmorrhoidas; ac paroxysmi febris intermittentis sæpe prænuncij: Nonnunquam faciem hypochondriacam præ se fert; imò et non rarò sub hydropis specie latitat. Interdum autem & caput ferit ad instar fiderationis. Quoties verò in sanguine lento insidet, qualis est Rheumaticorum, non solet apparere, nisi post istius vitii remotionem. Ac demum, si non erratum sit circa natales morbi, in salutem certò per proprias vias desinit.

Nil miri igitur, si sub sanitatis accuratioris specie in hominibus maturis subinde lateat: Adeò ut, qui exercitijs gravioribus, aut longis itineribus, sanum sibi corporis habitum conciliârunt, hos tandem quiete repositos, & molliusculè semet curantes, invisat morbus articularis. Attamen, non nisi acrior medela jam tum ab iisdem haberi debet: Utpote quæ, fæculentias omnes contractas per seriem negotiorum, pèrque varias solis aërisque injurias

De Ætate Vergente. 85

jurias, uti & alimentorum, quibus non
assueti fuerint, noxias facultates, secum
abripit, digeritque; in articulos dein re-
jicit, ac tandem per consuetas vias eli-
minat.





C A P. IX.

*De distributione morbi articularij
secundum sedes notatu digniores.*

AGUS quidem initio sæpe apparet hic morbus; ac, nulli devinctus sedi, per artus errare diu consuevit. Dein verò, quando articulum quemvis in manibus vel pedibus tentârit, dolet pars læsa, non sine tumore mox orituro, ac postea levamine. Quando autem articulus in pede doleat, Podagra morbus dicitur; si quando dolor genibus infigatur, Gonagra; &, si coxis, Ischias nuncupatur. Quòd si ad manus deturbetur fomes arthriticus, Chiragræ appellatione denotatur.

Siquidem

Siquidem manus vel pedes tanquam emunctoria videntur; illæ frequenter, onera capitis & locorum superiorum, in se recipiunt; hi, omnia in universum, at præsertim quæcunque circa inferiora reponuntur viscera: Unde quidem levamen in ijs partibus, post hujus morbi exacerbationem, sentiri solet.

Quod autem ad Ischiada pertinet, indicat sæpe crassiores & acriores esse succum; quippe qui ægrè attenuetur: Idipsum etiam aliquatenus de Gonagrâ observare licet. Itaque hæ morbi sedes, naturæ debiles esse nixus, dum detrudit ad inferiora, quicquid vitij ibidem continetur, ostendunt; nisi idipsum motui ineptum sit. Unde Ischias morbus diuturnus intelligitur.

Huc, ergo, intentio dirigitur, ut circulus absolvatur; quem pingue illud, quicum miscetur hoc lentoris, conficere debet: Idque intra eosdem (quibus in sanis solet) temporis terminos, vel saltem hisce;

88 *De Ætate Vergente.*

quantum fieri licet, proximos. Verique simile est, unctuosæ hujus corporis leges apud sanos statui; sine quibus idipsum muneribus suis aptè respondere vix potest. Quapropter, quum ad senectutis extremæ fines devenerit articulis captus, non tam facilè tunc temporis, nec tam citò solvi solet morbus; utpote cui artus humore pingui eatenus non abundant, vel ipse tandem humor lentior evadat.

Interim, exercitatio senio ferè confectum eousque non calefacit; neque ideo sperandum est, tam brevi quàm antè, suscitare. Quæ quidem fit, ut periodi hujus morbi, quæ principio intra paucos dies absolvuntur, paulatim hebdomadas plures, mensesque demum ipsos complectantur.

Quinetiam, ultimùm observamus id operis imperfectum relinqui; ac, dein, congeriem istam augescere; omnemque morbi accessionem, post exacerbationem minùs sævam, novum perpetuò fomitem accumulare; dum, interea, aliquid de viribus pristinis quotidie decedit. Unde attriti
ægrî,

ægri, quasi desperantes, certiora exercitationis commoda negligunt; ac se quieti dedentes atque otio, diem supremum expectant.

Propterea, verò, sedes maximè considerationem merentur; quoniam, quò propius, vel longius absint à visceribus, eò sævius vel mitius ingenium est affectûs. Proinde autem, operæ pretium est advertere ad translationem hujus fomitis; quoniam exinde dignoscere est, quantum methodo medendi tribui debet: Utrùm prorsus eisdem insistere, vel aliquid in eâdem immutare satius sit. Siquidem dolore ad remotiora à visceribus loca migrante, meliùs habent res ægrorum: At, si è contrà fiat, exempli gratiâ, à pedibus in genua transferatur morbus; qui in deterius ruere sentiat, rarò aberrabit.

Porrò, ex sede morbi distinguere licet durationem ejusdem; quum hæc ipsa crassitiem vel tenuitatem materiæ morbificæ aliquatenus indicet: Ideoque diuturniori vel breviori temporis spatio solvetur affectus.

Exinde,

90 *De Ætate Vergente.*

Exinde etiam patebit, vel generosiora aut fortiora remedia adhibenda esse; vel lenibus ac minùs vèhementibus rem gerendam.

Quocirca, quum ad pedes manúsve delapsus fuerit iste fomes; id curetur, ne statim repellatur, sed ut paulatim attenuetur, minuatur, ac dein penitus excernatur. Tum, demum, sedes ipsas diluere præstabit, ac repurgare, donec ad pristinum usum mobilitatémque ventum fuerit.

Quinetiam, ex varijs morbi itineribus, varióque singulas partes afficiendi modo, constabit, quid cuique naturæ infirmitatis adsit, & quid vigoris restet: Etenim hanc suscitandi causa erit, quò faciliùs morbus dometur; illam verò leniter tractandi, omníque arte erigendi; ne recrudescat morbus, ac subinde affligat. Nam metus est, ne receptacula ipsa, tono infracto, hospitium commodum fomiti vitiato subministrant; atque ne oneri cedentia, munijs suis obeundis, quibus medico opus est ad profligandum pervicacem hunc affectum, imparia

imparia evadant. Siquidem hæc eadem munia sunt, à quibus tota affectionis hujusce curatio pendet; quæ quidem, naturâ favente, debito modo peracta, valetudinem non incommodam senioribus restituant.

Proinde, quando id, quod peccat, plus vitij in se habeat; eò uberiori virium copiâ egent partes; quibus quidem, primùm colluctari, dein verò in melius provehere, officium constituitur.

Ex antecedentibus autem meritò colliget, qui symptomatis cujuscpiam, ægro affidentes terrentis, solutionem meditatur; quâ ratione voti compos fiat: Exempli causâ, Attonitus quivis esto, qui morbo articulari olim laboravit.

Tum verò; unâ cum ijs, quæ in usum fideratorum excogitantur ad excitandam sentiendi vim; quamprimum constat, hunc affectum ex fomite arthritico nasci, protinus se accinget vir sagax & futuri exitûs prudens, ad omnia ea subsidia, quæ ad artus derivant, subministranda

92 *De Ætate Vergente.*

strandā: Unde, si morbus non sit fortis, sed qualis superari queat, hoc commodi, mantissæ loco, promittere est; quod sanitatem hoc modo redintegrari inusitatum non sit, quodocunque huic methodo insistentes successu non careant: Quod certe fit, quum vitiosum illud, quicquid sit, in articulos transducatur.

Hinc, itidem, evenire solet, ut superveniente exacerbatione morbi articularij, nec sensus, nec memoria post solutionem deficient: Nec resolutio nervorum, * *insanabilis ferè morbus*, hisce sideratis accidere consuevit.

Interea, non inficiandum, quod pedum articuli, non modò partium inferiorum, verum etiam capitis, omniumque viscerum superiorum, onera frequenter excipiant: Quod quidem ita habere videtur, partim, quoniam partes ipsæ dependent; ac partim, quoniam hæ, magis ad exercitationem accommodæ, plus

* Cels. L. 3. c. 27.

unctuosi illius liquoris expendunt, eoque magis eundem desiderant: Ideoque plenior quasi rivus in pedes plurimorum, quàm ipsas manus influit.

Forſitan, itidem, ſeniores magis deſides evadunt, quàm juniores; neque pedibus eatenus utuntur: Quippe qui citò laſſati, rariùs itinera pedestria animi cauſâ, nec niſi neceſſitate adaſti, ſuſcipiant. Unde tunc temporis accidit, ut ijdem articuli, qui junioribus perpetuis in motibus verſantur, annis poſterioribus, quiete potiùs gaudentibus, non, quantum ſanitati tuendæ expedit, exercitentur, atque ita infirmiores eò magis relaxentur; ac, dein, conceptacula humorum ſegnium idonea fiant, et latrinæ uſibus in corpore deſtinentur.


Igitur, ex his omnibus Podagra frequentiffimus eſt morbus; poſt hunc Chiragra, Gonagra, atque Iſchias: Dein, rarior eſt articulorum cubitûs atque humeri; rariffimè etiam cæterorum articulorum affectiones occurrunt.

Verun-

94 *De Ætate Vergente.*

Veruntamen, quò plures articuli laborant, eò meliùs post exacerbationem habere solet æger; modò nodos atque ejusmodi duras moleculas morbus post se non reliquerit. In hoc enim casu, tota materiæ arthriticæ congeries, quæ distribuitur in articulos accommodos, partim in hanc, partim in illam sedem derivata corrigi potest, atque excerni: Tum, verò, æger demum restitutus, diutius bene valet.





C A P. X.

*De distinctione morbi articularij
in sanguineum & calculosum.*



U A N Q U A M morbi fomes in diversis articulis resideat, unde nomina locis, ubi dolorem sentiunt ægri, accommoda sortitus est iste affectus; medici tamen consilium non ad sedem solam dirigitur; verum à naturâ ipsius fomitis dignoscendâ potissimum pendet. Interim, non dissimulandum est, quòd ex ætate etiam morbi sententias ferant iudices experientiâ maximè nobilitati, quid quidem faciendum, quid verò omittendum, quod ad curationem, æquè ac præcautionem pertineat.

Verun-

Veruntamen, id non in universum acci-
dere, monent, sed in aliquot ægrotis,
quorum casus non tam accuratè deline-
antur, ut de ijsdem, quodnam per om-
nia statuendum sit, cognoscamus. Qua-
propter, eorum partitioni non insistimus,
tanquam primariò & per se spectandæ;
licèt fateamur, ætatem hujus affectionis
semper dignam, quæ in mentem me-
dentis, unà cum reliquis ad morbi na-
turam evolvendam pertinentibus, ingre-
diatur.

Cæterùm, maximi res est momenti,
ut, à quali causâ hic morbus præcipuè
pendet, innotescat: Exinde enim accu-
ratus tractandi modus patebit: Siquidem,
quæ affectum istum sanguineum juvant,
eadem, quodocunque fômes morbi lapi-
dea in se complectatur, tanquam non
innocua repudiat experientia. Proinde,
huc referendum, quicquid medici diver-
sum protulerunt. Quamobrem, qui san-
guinem detrahi suadent, qualem sen-
tentiam tuetur * Celsus saltem in primo

* L. 4. c. 24.

insultu, non improbandi; modò affectus ipse sit sanguineus. At, verò, si eò res recidit, ut de calculoso genere suspicio oboriatur, prudentes ab assensu se sustinebunt.

Idem quoque statuendum de Purgatione ac Vomitione; de quibus ambigere in eo genere fas sit. Quinetiam de lactis usu dubitare liceat, si saxeas moleculas eliminare opus sit: Scilicet, ne fixæ hæreant, augeanturque indies; dum immensa malorum seges, omissioni remedium huic usui accommodatorum, ultimum debeat.

Quòdque autem hæ duæ species discretæ maneant; &, an sanguinea inveterascens demum in calculosam transeat, quæstio solvenda est per solam experientiam. Novi sanè plures, qui ad senium usque, statis anni temporibus, insultus sanguinei generis senserint; nunquam tamen ex nodis, vel tumoribus duris post exacerbationem, sive calculis excretis, aliòve quovis modo, dignoscere potui, quòd lapidea omnino intra corpus delituerint

98 *De Ætate Vergente.*

erint. Attamen, verisimile arbitror, sæpe-
numero ambas hasce species esse intertextas:
Quoniam haud absolum videtur, quòd
lapidea semina frequenter adjiciantur mas-
sæ scorbuticæ, contentisque alijs ex cir-
culo sanguineo rejectis.

Porrò, ut faciliùs dijudicetur morbi
genus, utrùm sanguineum illud sit, atque
ejusmodi auxilia postulet, quæ peculi-
aria huic generi videntur; an maximè
ad calculosum referri debeat; notæ quæ-
dam servandæ sunt, unde dignoscere possi-
mus, ad quam classem morbus redigen-
dus est.

Igitur, advertere oportet ad febrim,
siqua sit, comitantem; vel, si nulla
omnino invaserit, id perpendere æquum
erit, an eodem ritu antea paroxysmus
arthriticus occupavit; & quî demum iste
deseruerit, non sine calculis rejectis, fig-
nisve aliquibus, quæ concreta subesse du-
ra indicarent.

Quod ad primum attinet, nimirum
ubi febris accenditur; morbum ideo
inter

inter sanguineos numerari verisimile est : Id quod magis patebit, ex febris per periodos recurrente, ac post singulas accessiones intermissionem ostendente. Quæ quidem febris oriri videtur ex aëris inclementiâ, subitâque ejusdem mutatione; qualis frequenter accidit, quando ventus Euro-Borealis acutiores flatus edat. Etenim, tunc temporis hic morbus speciem catarrhalem, cum tussi molestâ, aliisque symptomatis frigoris (quod vocant) suscepti, induere solet. Sæpe etiam typum Rheumatismi persequitur, quum primùm invadat; dein, sub aliâ atque aliâ larvâ delitescit: Nec tamen solvi potest, nisi ad imum adjecti fuerint dolores articulorum, atque eorundem tumores. Frustrâ autem annitetur medicus, qui talibus ægris succurrere studeat; nisi ad febrim, aut etiam Rheumatismum tollendum priùs se accingat; quàm de arthritide medendâ cogitet. Ergo, sanguis mox mittendus est; ac medicamina mollia & lenia adhibenda, quibus Rheumaticos dolores sopire licet.

Quòd si nunquam antehac invaserit morbus articularis; nec lucem mutuari ex præteritis possimus; neque ex ambientis aëris statu, annive tempestatis, aliquid discere; verùm id tantummodo liqueat, paroxysmum arthriticum invadere ætate vergente constitutum; hunc sanè tanquam scorbuticâ, si non planè calculosâ, arthritide correptum tractare, expertus vix dubitabit.

Neque enim de sanguine minuendo cogitaret, qui eundem minimè affici, nisi onere extraneo, credit: Nec, postquam in artus detrusum id oneris fuerit, revocare in viscera summopere niteatur, quisquis talium se ignarum profiteatur medicamentorum, qualia tutò expurgare indigestam hanc molem valeant.

Proinde, reliquum est, ut massa hæc vitiosa, quæ coëundo nocuit, modo naturæ convenienti digeratur; ideóque ut in subsidium conscribantur eorum copiæ, quibus nil incommodi exprobratum fuit. Quæ quidem ad illud genus referri videntur,

dentur, quod appetitum excitat, viscera roborat, nervoso systemati gratum est, ac demum nullatenus debilitat: Quod dolorem lenit, viscosa ac lenta discutit; interim non calfacit, nec exiccat: Quod simplex est, ac tenuibus constat partibus; nec sale, aut acriori aliquo corpore imprægnatur.

Vitanda itidem omnia, quæ prohibent, ne natura inutile hoc arthriticum pondus dividat, distribuâtque membratim; ac ne viscosa coëuntia dissociet, aut satis comminuat. Secùs, forsan massa hæc vitiosa hæreere exiguis canaliculis queat: Quippe cui grandiusculæ, transitus denegatur. At si ibidem defixa diutius commoretur, metuendum sanè, ne occallescat saltem, si non in lapides cretaceos siliceosve concreverit.





C A P. XI.

De morbi articularij reditu præcavendo.

Uandocunque constitit, arthritidis insultum quemvis passum fuisse, de eodem tanquam redituro cogitandum est: Siquidem rarò morbi fomes unicâ accessione consumitur. Itaque, reliquias exterminare paulatim, convenit; ac, interim, cavere, ne nova indies subministretur materiæ copia. Id, verò, facilè fieri solet; si visceribus epulis minimè oneratis, lenia sola committantur; ac dein auxilia adhibeantur, quæ muneribus suis explendis eadem apta reddunt.

In quibus quidem feligendis opus erit ægrorum naturæ auscultare, ejusque requisitis suppetias ferre; eâ planè ratione
ne

ne; ut ne, dum morbo huic consulitur ipsi in gravius discrimen inferantur. Quamobrem, quum diversa adeò sit hominum natura, speciatim hæc nominari nequeunt, quæ maximè singulis utilia futura sint; verum ex quoque peculiariora prius * recensita, cum alijs eorundem similibus, exquirere oportebit, antequam de auxiliorum genere & gradu commodè statuatur.

Interea, nunquam intentioni satisfactum esse judicat medicus, quamdiu fæculenta quævis crassa aut viscida intus latent; ideoque, priusquam securum eum, qui hoc morbo decubuit, pronunciet, prudentis est, ejusdem morem naturamque exponere: Nequis speret, se genio indulgentem, non fore opportunum imposterum insultibus hujusce affectûs.

Etenim, quum ætas infirma jam premat, cautelâ semper opus est, & quotidianâ curâ; ne congeratur iterum materia

* Cap. 3.

arthritica; atque etiam, modò illud acci-
dat, ne via in artus præcludatur. Qua-
propter, perniciosum haberi debet consi-
lium, reditum morbi hujus inhibere, nisi
causâ priùs è medio sublatâ. Secùs, enim,
nobiliores infestantur partes; unde letho
dantur plures, quando nulla aperiatur
porta, per quam, vitæ motuque hostis
infensissimus, etiamsi ad domandum vi-
res suppetant, tandem abigi possit.

Exinde, autem, patet, vix proponen-
dam ejusmodi curationem, neque ægrotis
sperandam: Interim, verò, tutiores esse,
omnibus rite perpenſis, quorum saluti na-
tura, hâc suâ methodo, provida consu-
luit.

Hisce quidem præmissis, quæcunque
lentam istam eluviem ex articulis submove-
ant, in usum ducere ratio ipsius rei, con-
firmante experienciâ, suadet; idque præ-
cipuè, si calculorum suspicio oboriatur:
Quippe quorum semina expellere ex locis,
ubi hospitantur, quamprimum fieri potest,
minimè absonum sit.

Quoniam

Quoniam autem idipsum sæpe periculo non vacat ; tentandum, quid per diluentia commodi obventurum sit. Dein, acria fugienda prorsus; aut qualia saltem, licet palato adblandiantur, atque hilaritatem sensu quidem iudice afferant, acrimoniam tamen post se relinquunt.

Quinetiam, eos oportebit, quotquot hoc morbo laborârunt, perpetuùm ad ea ipsa attendere, unde dolor oriatur; quid corpus, quidve animum gravet; quid primum recreet, at non ita multò post deiciat ac frangat : Quoniam hæc omnino devitare expedit.

Veruntamen, morbi articularis insultu prægresso, ægri refert subsidia accersere; quorum operâ maturè vires recipiat: Et, si id fiat, vix quenquam invenies, qui non, ab accessu hujus morbi feliciter soluti, meliùs quàm multò antè habuit; modò nihil nisi pituitosa aut scorbutica materies in artus defluerit.

Interea, autem, frequenter occurrunt ægrorum querimoniæ, qui se sanari vellent
ope

ope medicamentorum fortiùs exonerantium, cæterorúmque ejusmodi, quæ junioribus corpus levare consueverunt: Qualia sanè, si ventriculi tonum atque viscerum functiones minimè lædant, plus tamen noxæ senioribus inferunt, quàm commodi adhibent. Profectò, rigidiores ac ficciores fibræ non eodem à Catharticis ritu afficiuntur, quo flexiles ac molliores, quales in juvenibus apparent. Adde quòd seniorum alimenta non tam facilè in chylum abeant; nec spirituosam eosdem, quantum juniores, reficiant. Sicca & dura alvus illis quidem salutaris est; hisce verò, non sine mali cujusdam latitantis suspitione, accidit. Ut verbo dicam, non peccatur impune quoad vacuationem, infractò jam ac declinante in deterius corporis habitu.

Propterea, quæcunque exonerantia huic ætati aptantur, ea simul inter mollientia & ventriculum visceráque corroborantia enumerantur. Unde medenti opus est idem præstare, ac quando morbis complicatis consulit: Quoniam senectus, tanquam morbi genus, considerata est; adeóque perpetuò in medicamentis feligendis ejusdem
rationem

rationem habiturus est medicus; quid quidem sine incommodo ferat; &, ex quibus noxam olim vel nuper senferit; veluti, itidem, unde fructum perceperit.

Igitur, si quis morbi hujus reductus diu immunis perstare velit; non eò annitendum duntaxat, ut vires reficiantur usu cardiaco-
rum (quæ vocant) aut spirituosorum, quæ calefaciendo & attenuando profint; verùm facultatibus, quæ cibum coquunt, auxilia subministrare oportebit; idque imprimis curare, ne quid obstet, quò minùs alimenta exactè digerantur ac distribuantur.

Pari, etiam, jure sudores elicientiâ, quæ vires dejiciant, repudiare æquum est; licet ab iisdem, tanquam attenuantibus, aliquid commodi expectandum foret. Siquidem experientia nostratium insalubria esse huic ætati dicitur; &, neminem magis errare, observanti patebit; quàm qui calidioribus istis operam dederit.

Quandocunque autem constat, residuum, post accessionem hujus morbi, fomittem penitus dissipari & eliminari; adeò ut
facultas

108 *De Ætate Vergente.*

facultas locomotrix vigere cœperit; quo ritu ante insultum solita fuit; & postquam etiam dolor artus urgere desierit; tunc temporis singulos exercitare convenit quotidie, donec spiritus munia sua vegeti obeant.

Hæ, verò, exercitationes, non modò ad corporis motus, ipsoꝝque articulorum flexus, qui paulò antè doluerant, extendi debent; sed & altiùs ad animum ascendere: Cujusmodi sanè monitum apud * Celsum sic effertur; *Delectationis causâ, quantum juvat, ambulare, circumcisâ omni negotiosâ actione.*

Cæterùm, loca, ubi exercitationes, post insultum morbi articularis, maximè juvant, dispicere non abs re erit: Siquidem editiora atque arida præcipuam laudem merentur; quodocunque artus confirmare opus sit. Adde quòd, quum contra solum acclive inambulare nitantur infirmi, siquid vitij lateat, id omne mox deprehendetur.

Aliud autem exercitationis genus est, repetitis ascensûs & descensûs vicibus ambi-

* L. IV. c. 25.

entis aëris vires experiri ; aliud, in planitie deambulare, eâdem circumjacente vaporum aërisque temperie. Et quidem altiùs ascendens edita, quæ salubria sunt, loca, non modò artubus suis, sed & visceribus ipsis firmitatem conciliat. Quocirca, non inutile videtur consilium, quod hoc morbo debilitatos relegat ad montes, aut etiam scopulos præruptos, at non impervios : Siquidem partes respirationi inservientes, quæ cum primis ardua adversa tentando laborant, quotidianâ repetitione massam vitiosam ibi hærentem excernere, ac novum postea vigorem, novamque inde agilitatem asciscere solent.

Commodissimè, igitur, ad hunc usum adaptatur varium nec inamœnum loci ingenium ; ubi aqua egelida prope urbem Bristolliam de rupe scaturit : Quoniam ille rupium tractus satis arduus, iter ad summum tatem facientibus opponitur. Dein, planities sicca extenditur, campúsque æqualis aperitur secundum scopulorum cacumina ; unde oculis regiones adjacentes lustrare minimè ingratum est : Hinc quidem à naturâ congesta saxorum strata, fluviumque navibus

110 *De Ætate Vergente.*

navibus onerarijs divitem ipsa perfluentem; illinc verò, hominum opera, quibus hæc acclivia exornantur, atque ex rudibus & sylvestribus in hortos excoluntur, aut in ædificia, tanquam ex rupe pendentia, elaborantur.

Hæc autem montana atque sylvestria menti obversata, in alium ducunt consilium: Quoniam hujusmodi loca, qualiacunque ab urbibus hominúmque frequentia sejunguntur, maximè idonea videntur partibus vocalibus exercitandis; à quarum viribus spirituum vigor valde pendet.

En, igitur, scenam exercendæ voci accommodam! De quo genere exercitationis libet huc transferre, quæ Paulus * ille Græcus viator ex Oribasio in suo compendio tradidit. Verba Latina sunt Guinterij interpretis; *Inter vocis exercitationes, suavis lenisque modulatio nihil ad sanitatem tuendam proficit: Gravioris autem vocis sonus utilis habetur, eoque exercere eum oportet. Ita*

* L. I. c. 19.

De *Ætate Vergente.* III

enim aër copiosissimus inspiratu in corpus attractus, thoracem, ventrem & meatus totius corporis diducit, dilatat, aperitque. Quapropter, ipsâ lectione humiditates, quæ redundant, excernit. Fortius igitur legentibus, magis & per sudores; lenius autem, per latentem totius corporis perspiratum. Accidit enim, propter extenuationem, multa recrementa, nempe sputa, mucos & pituitam, per sreatum excerni, consumique. Iis verò, qui propter frigiditatem excalfieri desiderant, quodnam aliud præsentius remedium esse potuerit, quàm functio, quæ respiratione peragitur? Consilium igitur est, hos frequenter legere, ut toto corpore relaxato, fusâque carne, arteriam & alios spiritûs transitus studiosè rarefacientes, per graviores vocis actiones modulentur. Uti autem oportet vocis officio neque temere neque inconsideratè: sed quum nec vitiosis corruptisque humoribus repleti sunt, neque magnæ & evidentes stomachi cruditates apparent, ad vocis exercitationem accedendum est, ne corrupti vapores per corpus largius distribuantur.



C A P. XII.

*De ijs, quæ utiliter servantur ad
senectutem extremam vergenti-
bus.*



CONSILIA medica, in hoc ultimo vitæ stadio, illuc diriguntur; ut senes ægritudinis, dolorisque, quantum fieri potest, immunes, quicquid spatij restat, transigant. Morbi ferè jam insanabiles fiunt; nec quidem violentis affectibus opportunum est, quodcunque hoc ævi superest. Attamen, quædam monita fuisse videntur; quæ, ut minùs malus sit extremæ ætatis exitus, aliquatenus utilia inventa fuerint.

Principio,

Principio, quod de ætate vergente generatim dictum fuit, illud in hâc extremâ ævi parte fortiùs urgendum; scilicet, nullum adhuc locum esse experimentis, utrùm hæc, an illa vivendi ratio conveniat: Nec quidem multum interest, an alijs benè, alijs malè, hæc ipsa, quâ diu usi fuerunt annis propemodum saturi, cesserit; modò hucusque eosdem juverit. Novi egomet hâc ætate laborantem, cui quidem cerevisia fortis, vetusta & austera, cum carne falsissimâ, in delicijs fuerat; quibus tanquam nimiâ copiâ assumtis, medicus aliquid detrahare volebat. Assensit senex; at mox concidit, & penè languore absumtus videbatur. Veruntamen, temporì advertit, quem consulebat, vir prudens, artisque suæ peritus; ac, dein, ad pristinam diætam modùmque reverti jubet; unde sanè pristina sanitas, qualiscunque fuerat, instaurata est: Qui ex illo tempore aliquot annos vivus perstitit.

Quapropter, nulla immutatio subita senibus admittenda est; etiamsi nonnihil commodi ex eâdem, idque non sine causâ,
I illis

114 *De Ætate Vergente.*

illis proponere liceret. Non enim ad juniorum stateram, exigendæ sunt hæ ætatis reliquæ: Verùm, consuetudo jamjam inveteravit; quæ vix patitur sui juris esse aliquem, qui, per prolixam annorum feriem, ad certam vivendi normam obstrictus fuerit.

Alterum verò est, quod itidem prius notatu dignum visum fuit, ut ille, qui ad senectutis fines pervenerit, moneatur, cuncta demum vitanda esse, quæ noxam ei inferre solita fuerunt. Siquidem infirma illa ætas gravissimè ab illis læditur; unde olim vel minimum incommodi fenserit: Adeò ut, quicquid leviter ipsi quondam vigenti nocuerit, nunc toleratu difficillimum deprehensurus sit.

Proinde, rarò nату grandium peccata periculo vacant: Ideoque nulla extrema tentanda sunt; ast, potius, in motu & quiete, frigore & calore, cibo potuque, omnia mediocria requisita sunt. Similiter, in animi affectibus res habet; quorum violentioribus moderandis frænum injicere vellet, qui vitæ reliquijs frui optaret.

De

De gaudio solo ambigitur ; an in senectutis tristitiâ id nimij exhiberi queat ? Verum, quamvis tradantur aliquot exempla senum, quos subitanea lætitia è vivis sustulerit ; non ij tamen sunt seniles mores ; neque grandævis humanarum rerum facies tantum arridet, ut ipsi præ nimia lætitiâ mori vereantur.

Itaque, utile futurum est ad ea omnia attendere, quæ animo alacritatem addant, aut saltem mœstitiam levent : Dein, verò, præcipuè ad hæc animum appellere, quæcunque dolores minimè creent ; at potius, si qui urgent, mitigent. Qualia sunt lenia illa cibi potûsque genera, quæ nec ventri molestias neque cerebro deliramenta pariunt.

Quinetiam, totum senilis prudentiæ negotium videtur ; nequid detrimenti capiat ex alimentorum ingestione, quorum tandem poenitebit : At, siqua fortè ex ijs assumfit, sine morâ excernenda sunt ; ne, intimis corporis penetralibus hærentia, sævos dolores excitent, quando in mordacia exacuentur ; aut oneri sint corpori, jam-
I 2 jam

jam vix prædito viribus, ad sustentandam gravitatem propriam paribus.

Quocirca, meminisse oportet, quòd corpus nostrum nunquam sanum permanfurum sit; nisi facultates ejus excretrices, æquè ac hæ, quæ appetunt, & quæ ad nutriendum referuntur, sua quæque munia obeant: Id, autem, præsertim hîc servandum, ubi non dantur totidem superflui pellendi viæ, quot junioribus contingunt; qui per labores assiduos, pèrque innumeras motuum vicissitudines, supervacua expendant, postquam ad satietatem repleti fuerint; quique in obesum habitum reponant, quicquid ex alimentis residuum est.

At, postquam ulteriùs extendi tutum non sit, hisce, quæ supersunt, non ampliùs datur locus. Illa interim, siqua manent, affectibus lethargicis aut torpidis materiam præbent. Ideoque alia quærenda est ratio, vitiatos humores dissipandi; ut sensibus, ut animo, lucidus ordo integer constet, aut perturbatus restituatur.

Quoniam,

Quoniam, verò, non dissimulandum est; extremam hanc vitæ scenam, veluti debilitate insigni functionum naturalium, ita & animi statu minùs sano, sæpenumero infestari; adeò ut vulgatum sit, ultimo ætatis tempore senes delirare, aut iterum pueros fieri; quænam hujusmodi malis optimè subveniant, ex penu experientiæ depromere liceat.

Remedia, igitur, quæ in illorum subsidium, qui hucusque pervenerunt, rerum natura subministrat, ea quidem videntur, quæ nervoso generi à medicis dicata fuerint: Ex quibus singula seligere prudentis est, qualia naturæ cujusque convenient; neque affectibus, quibus eadem tunc temporis laborat, aut in universum obnoxia est, repugnent. Usus, interim, eorundem remediorum non interceptendus, nisi anni tempestatibus, quum tutissimi sint senes.

Plures, sanè, subsidiorum hujusce generis ope, sensuum defectibus, atque ipsius facultatis, quæ rationis particeps audit,
non

118 *De Ætate Vergente.*

non eatenus opportuni vixerunt, quantum isti, quos aliâ quâvis methodo manu-ctos fuisse, equidem compertum habuerim. Imò, nec sine his adjectis, quæcunque nocuerunt, excernere, æquè juvare visum fuit. Verum quidem est, quicquid ubique gentium reconditur, sedulò in usum hujus extremæ ætatis multos perquisivisse; qui præ cæteris hoc requiri viderint, ut quàm diutissimè sentiendi atque intelligendi vis conservetur.

Postremum, enim, natu maximis solatium esse solet, præteritorum, quæ olim placuerunt, recordatio.

Dein, exultatio animi in rectè factorum conscientia, instar omnium habetur illis; quibus nihil adhuc in vitâ optandum manet, præterquam, ut suis chari etiamnum supersint; útque memores sint posterigestorum à se laude dignorum.

Proinde, senes, quicunque operam diurnam alijs benefaciendo, consulendóque, collo-

collocârunt, solos feliciter per hanc ultimam vitæ scenam transeuntes equidem nôrim : Qui, demum, patriæ, amicis, perinde atque cognatis charissimi, velut defessi, & somno à laboribus, domiti, diem supremum obierunt.

F I N I S.





Catalogus Librorum prostantium apud
GUL. & JOH. INNYS.

Parmacopœia Domestica, in usum eorum, qui Ruri Medicinam facientes necesse habent, ut Pharmacothecas privatas sibimet construant; Scholijs, Viriumque Enarrationibus illustrata, & in Libros duos distributa; per Thomam Fuller, M. D. Cantab. 12^o. 1720.

Pharmacopœia Collegii Regalis Medicorum Londinensis, Londini, 1721.

Pharmacopœia Collegii Regalis Londini Remedia omnia succincte descripta: Una cum Catalogo Simplicium Ordine Alphabetico digestorum: Quibus annexum est Manuale ad Forum: Nec non Pinax Posographicus. Editio quarta prioribus emendatior & auctior. Cura Ja. Shipton, 12mo. 1711.

Pharmacopœia Extemporanea, five Præscriptorum Chilias; in qua Remediorum Elegantium, & efficacium Paradigmata, ad omnes fere medendi intentiones accommodata, candide proponuntur: Una cum Viribus, operandi Ratione, Dosibus & Indicibus annexis. Editio Quinta longe auctior & emendatior per Tho. Fuller, M. D. Cantab. 12mo. 1714.

Pharmacopœia Extemporanea: Or a Body of Medicines, containing a Thousand select Prescripts, answering most Intentions of Cure. To which are added useful Scholia, a Catalogue of Remedies, and a copious Index for the Assistance of young Physicians. The third Edition with Additions, by the Author Tho. Fuller, M. D. Cantab. 8vo. 1719.

Pharmacopœia Bateana, in Libros duos digesta: Primo Compositiones Galenicæ, altero Processus Chymici, Ordine Alphabetico exarantur. Viribus Dosibusque illustrantur, atque Catalogis & Indicibus accommodantur. Cura & Opera Thomæ Fuller, M. D. Cantab. 12mo. 1719.